

四庫全書

經部

欽定四庫全書

禮書綱目卷六十

婺源江永撰

內治

通禮九

補

古者天子后立六宮三夫人九嬪二十七世婦八十一
御妻以聽天下之內治以明章婦順故天下內和而家
理天子立六官三公九卿二十七大夫八十一元士以
聽天下之外治以明章天下之男教故外和而國治故

曰天子聽男教后聽女順天子理陽道后治陰德天子

聽外治后聽內治教順成俗外內和順國家理治此之

謂盛德

天子六寢而六宮在後六宮在前所以承嗣施外內之政也三夫人以下百二十人周制也三

公以下百二十人似夏時也合而言之取其相應有象天數也內治婦學之法也陰德謂主陰事陰令也是

故男教不修陽事不得適見於天日為之食婦順不修

陰事不得適見於天月為之食是故日食則天子素服

而修六官之職蕩天下之陽事月食則后素服而修六

官之職蕩天下之陰事故天子之與后猶日之與月陰

之與陽相須而后成者也

適之言責也食者見道有天
虧傷也蕩蕩滌去穢惡也

子修男教父道也后修女順母道也故曰天子之與后

猶父之與母也故為天王服斬衰服父之義也為后服

資衰服母之義也

父母者施教令於婦子者也故其
服同資當為齊聲之誤也

昏義

右通論

小宰之職掌建邦之官刑以治王宮之政令凡宮之糾

禁

杜子春云宮皆當為官玄謂宮刑在王宮中者之
刑建明布告之糾猶割也察也若今御史中丞

正

歲以宮刑憲禁于王宮

憲謂表縣之若令新
有法令云天官

宰夫正

歲則以灋警戒羣吏令修宮中之職事

警戒勅之言鄭司農云正歲夏

之正月以法戒

勅羣吏

同上

宮正掌王宮之戒令糾禁

糾猶割也以

時比宮中之官府次舍之衆寡

時四時比校次其人之在否官府之在宮中者

若膳夫王府內宰內史之屬次謂吏直宿若今部署諸廬者舍其所居守

為之版以待農云

為官府次舍之版圖也待待比也玄謂板其人之名籍待待戒令及比

夕擊柝而比之夕

也莫行夜以比直宿者為其有解情離部署鄭司農云柝戒守者所擊也易曰重門擊柝以待暴客春秋傳曰

魯擊柝

聞於邦國有故則令宿其比亦如之

鄭司農云故謂禍災令宿宿衛王宮

春秋傳曰忘守必危况有災乎玄謂故凡非常也文王世子曰公有出疆之政庶子以公族之無事者守於公

宮正室守大廟諸父守貴宮貴室諸子諸孫守下宮下
室此謂諸侯也王之庶子職掌國子之倅國有大事則
帥國子而致於大子唯所用
鄭司農云
之者令宿之事蓋亦存焉
辨外內而時禁
分別外人

內人禁其
稽其功緒糾其德行
稽猶考也計也功
吏職也緒其志業
幾其

出入均其稍食
鄭司農云幾其出入若今時宮中有罪
禁止不能出亦不得入及無引籍不得

入宮司馬殿門也玄謂幾呵其
衣服持操及䟽數者稍食祿廩
丟其淫怠與其奇袤之

民
民宮中吏之家人也淫放濫
會其什伍而教之道藝
也怠懈慢也奇袤謫舛非常

五人為伍二伍為什會之者使之輩作輩學相勸帥且
寄宿衛之令鄭司農云道謂先生所以教道民者藝謂

禮樂射
月終則會其稍食歲終則會其行事
行事吏職
御書數
同

宮伯掌王宮之士庶子凡在版者

鄭司農云庶子宿衛之官版名籍也

以版為之今時鄉戶籍謂之戶版玄謂王宮之士謂王宮中諸吏之適子也庶子其支庶也同上

士

師掌國之五禁之灋一曰宮禁

宮王宮也今宮門有簿籍秋官

閹

人掌守王宮之中門之禁

中門於外內為中若今宮闕門鄭司農云王有五門外曰

東門二曰雉門三曰庫門四曰應門五曰路門路門一曰畢門玄謂雉門三門也春秋傳曰雉門灾及兩觀

喪服凶器不入宮潛服賊器不入宮奇服怪民不入宮

喪服衰經也凶器明器也潛服若衷甲者賊器盜賊之任器兵物皆有刻識奇服衣非常春秋傳曰虎奇無常

怪民凡內人公器賓客無帥則幾其出入
三者之出入當須使者符

節乃行鄭司農云公器將持公家器出以時啟閉時漏

凡外內命夫命婦出入則為之闢命夫鄉大夫士之在

宮中掌埽門庭門庭門相當宮人掌王之六寢之修

六寢者路寢一小寢五玉藻曰朝辨色始入君日出而視朝退適路寢聽政使人視大夫退然後適小寢釋服是路寢以治事小寢以時燕息焉春秋書魯莊公薨于路寢僖公薨于小寢是則人君非一寢明矣為

其井匭除其不蠲去其惡臭井漏井所以受水潦蠲猶

農云匭路廁也玄謂匭豬謂雷下之池受畜水而流之者共王之沐浴沐浴所以凡

寢中之事埽除執燭共鑪炭凡勞事勞事勞四方之舍

事亦如之

從王適四方及會同所舍同上

玉府掌王之燕衣服衽席

牀第凡褻器

燕衣服者巾絮寢衣袍襪之屬皆良貨賄所成第簀也鄭司農云衽席單席也褻器

清器虎子之屬

同上

隸僕掌蹕宮中之事

宮中有事則蹕鄭司農云蹕謂止行

者清道若今時倣蹕夏官

右王宮

內宰掌書版圖之灋以治王內之政令均其稍食分其

人民以居之

版謂宮中閭寺之屬及其子弟錄籍也圖王及后世子之宮中吏官府之形象也政

令謂施閭寺者稍食吏祿康也人民吏子弟分之使衆者就寡均宿衛

以陰禮教六宮鄭

農云陰禮婦人之禮六宮後五前一玄謂六宮謂后也
婦人稱寢曰宮宮隱蔽之言后象王立六宮而居之亦
正寢一燕寢五教者不敢斥言之謂之六宮若今以陰
稱皇后為中宮矣昏禮母戒女曰夙夜毋違宮事以陰
禮教九嬪教以婦人之禮不言教以婦職之灋教九御

使各有屬以作二事正其服禁其竒袤展其功緒

婦職謂織

經組紃縫線之事九御女御也九九而御於王因以號
焉使之九九為屬同時御又同事也正其服止踰侈竒
袤若今媚道展猶錄也緒業也故書二為歲終則會內
三杜子春云當為二二事謂絲枲之事

人之稍食稽其功事

內人主謂九御

佐后而受獻功者比其小

大與其麤良而賞罰之

獻功者九御之屬鄭司農云烝而獻功玄謂典婦功曰及秋獻

功會內宮之財用

計夫人以下所用財

正歲均其稍食施其功事

憲禁令於王之北宮而糾其守

均猶調度也施猶賦也北宮后之六宮謂之北

宮者繫於王言之明用王之禁令令之守宿衛者

天官

內小臣掌王后之命正

其服位

命謂使令所為或言王后或言后通耳

后出入則前驅

道

后有

事於四方則使往有好令於卿大夫則亦如之

后於其族親所

善者使往問遺之

掌王之陰令

陰令王所求為於北宮同上

寺人掌王之

內人及女宮之戒令相道其出入之事而糾之

內人女御也女

宮刑女之在宮中者糾猶糾察也同上

內豎掌內外之通令凡小事

內后

六宮外卿大夫也使童豎通王內外之命給小事者以其無與為禮出入便疾內外以大車聞王則俟朝而自

復同上

九嬪掌婦學之灋以教九御婦德婦言婦容婦

功婦德謂貞順婦言謂辭令婦容謂婉婉婦功謂絲枲

又備於從人之道是教女御也

女御以歲時獻功事

絲枲成功之事同上

上女史掌王后之禮職掌內治之貳以詔后治內政

內治之法本在內宰書而貳之

逆內宮

鈎攷六宮之計

書內令

后之

凡后之事

以禮從

亦如大史之從於王同上

凡內事有達於外官者世婦

掌之

主通之使相共授春官世婦

內宗王后有事則從

春官

典婦

功掌婦式之灋以授嬪婦及內人女功之事齋

婦式婦人事之

模範法其用財舊數嬪婦九嬪世婦言及以殊之者容國中婦人賢善工於事者事齋謂以女功之事來取絲枲故書齋為資杜子春讀為資鄭司農云內人謂女御女功事資謂女功絲枲之事凡授嬪婦功

及秋獻功辨其苦良比其小大而賈之物書而楬之授書

為受聲之誤也國中嬪婦所作成即送之不須獻功時賈之者物不正齊當以泉計通功鄭司農苦讀為監謂分別其縑帛與布紵之麓細皆比方其大以共王及后小書其賈數而著其物若今時題署物

之用頒之於內府

天官

縫人掌王宮之縫線之事以役

女御以縫王及后之衣服

女御裁縫王及后之衣服則為役助之宮中餘裁縫事則

專為焉鄭司掌凡內之縫事

同上

染人掌凡染事

同上

仲冬命奄尹申宮令審門閭謹房室必重閉

奄尹主領奄豎之官

也於周則為內宰掌治王之內政宮令

省婦事毋得淫

雖有貴戚近習毋有不禁

省婦事所以靜陰類也淫謂女功奢偽怪好物也貴戚謂

姑姊妹之屬近習天子所親幸者

月令

右內事 公父文伯朝其母其母方績文伯曰以

獸之家而主猶績

言家有寵祿不當績

懼干季孫之怒也

季孫

康子也位尊又為大宗

其母曰王后親織玄紵

說云紵冠之垂前後者昭

謂統所以縣

公侯之夫人加之以紘綖

既織統又加之以紘

綖也冕曰紘紘纓之無綖者也

從下而上不結綖冕上之覆也卿之內子為大帶

鄉之適妻曰內子大帶緇帶也

命婦成祭服

命婦大夫之妻也祭服玄衣纁裳

列

士之妻加之以朝服

列士元士也既成祭服又加之以朝服也朝服天子之士

皮弁素積諸侯之士玄端委貌

自庶士以下皆衣其夫

庶士下士也下至庶

人社而賦事烝而獻功

社春分祭社也事農桑之屬也冬祭曰烝烝而獻五

穀布帛男女効績愆則有辟古之制也

績功也辟罪也

語魯

內宰中春詔后帥外內命婦始蠶於北郊以為祭服於蠶

北郊婦人以純陰為尊郊必有公桑蠶室焉

天官

季春鳴鳩拂其羽戴勝降

於桑

蠶將生之候也鳴鳩飛且翼相擊趨農急也戴勝織紵之鳥是時恒在桑言降者若時始自天來重

之具曲植篋筐

時所以養蠶器也曲簿也植槌也

后妃齊戒親東鄉躬

桑禁婦女毋觀省婦使以勸蠶事

后妃親採桑示帥先天下也東鄉者鄉時

氣也是明其不常留養蠶也留養者所卜夫人與世婦婦謂世婦及諸臣之妻也內宰職曰仲春詔后帥外內

命婦始蠶于北郊女外內子女也夏小正曰妾子治蠶執養宮事毋觀去容飾也婦使縫線組紉之事

然蠶

事既登分蘭稱絲効功以共郊廟之服無有敢惰

登成也教

往蠶者蠶畢將課功以勸戒之

孟夏蠶事畢后妃獻繭乃收繭稅以桑

為均貴賤長幼如一以給郊廟之服

后妃獻繭者內命婦獻繭於后妃收

繭稅者收於外命婦外命婦雖就公桑蠶室而蠶其夫亦當有祭服以助祭收以近郊之稅耳貴賤長幼如一

國服同

月令

王后蠶於北郊以共純服夫人蠶於北郊以

共冕服

純服亦冕服也互言之爾純以見緇色冕以著祭服夫人不蠶於西郊婦人禮少變也祭統

古者天子諸侯必有公桑蠶室近川而為之築宮仞

有三尺棘牆而外閉之及大昕之朝君皮弁素積卜三

宮之夫人世婦之吉者使入蠶於蠶室奉種浴於川桑

於公桑風戾以食之

大昕季春朔日之朝也諸侯夫人三宮半王后也風戾之者及早涼

脆采之風戾之使露氣燥乃以食蠶蠶性惡濕

歲既單矣世婦卒蠶奉繭以示

於君遂獻繭於夫人夫人曰此所以為君服與遂副禕

而受之因少牢以禮之

歲單謂三月月盡之後也言歲者蠶歲之大功事畢於此也副

禕王后之服而云夫人記者容二王之後與禮之禮奉繭之世婦

古之獻繭者其率用

此與

問者辭

及良日夫人繅三盆手遂布於三宮夫人世

婦之吉者使繅遂朱綠之玄黃之以為黼黻文章服既

成君服以祀先王先公敬之至也

三盆手者三淹也凡繅淹大總而手振之

以出緒也

祭義

右親蠶

君命屈狄再命褱衣一命褱衣士祿衣

君女君也此子男之夫人及其

卿大夫士之妻命服也禮天子諸侯命其臣后夫唯世

婦命於奠繭

奠猶獻也凡世婦已下蠶事畢獻繭乃命之以其服玉藻詳見名器上

右命臣妻 夫人之不命於天子自魯昭公始也

亦記魯失禮所由也周之制同姓百世昏姻不通吳大伯之後魯同姓昭公取於吳謂之吳孟子不告於天子天子自此後取者遂不告於天子天子亦不命之雜祀

易曰正其本萬物理失之毫釐差之千里故君子慎始

也春秋之元詩之闕睢禮之冠婚易之乾以皆慎始敬

終云爾素誠繁成

朱子曰四字未詳恐有闕誤賈誼新書無誠繁二字

謹為子孫

娶婦

賈誼新書作婦娶嫁女

必擇孝悌世世有行義者如是則其

子孫慈孝不敢姪暴黨無不善三族輔之故曰鳳皇生

而有仁義之意虎狼生而有貪戾之心兩者不等各以

其母嗚呼戒之哉無養乳虎將傷天下故曰素成胎教

之道書之玉板藏之金匱置之宗廟以為後世戒

大戴禮

右慎始 周襄王將以翟女為后富辰諫曰不可

夫婚姻禍福之階也階梯也利內則福由之利外則

取禍今王外利矣樹利於翟其無乃階禍乎昔摯疇之

國也由大任摯疇二國任姓奚仲仲虺之後大任之家也大任王季之妃文王之母詩

云摯仲氏任又曰思杞繒由大如杞繒二國如姓齊大任文王之母杞繒由大如杞繒二國如姓

之家也大如文王齊許申呂由大姜四國皆姜姓妃武王之母也

姜之家也大姜大陳由大姬陳媯姓舜後大姬周王之妃王季之母武王武王之女成王之姊

傳曰以元女大姬配虞胡公而封諸陳是皆能內利親親者也內利

七德親親以
親固其家
昔鄢之亡也由仲任
鄢云姓之國仲

夫人唐尚書云鄢為鄭武公所滅非取任氏而亡
也昭謂幽王為西戎所殺而詩言褒姒滅之明禍

有所密湏由伯姑
伯姑密湏之女也傳曰密湏之
由也鼓闕鞏之甲此則文王所滅而

獲鼓甲也大雅云密人不恭敢距大邦
不由嫁女而亡世本云密湏姑姓鄢由叔妘

姓之國叔妘同姓之女為鄢夫人昭謂公羊傳曰
先鄭伯有善乎鄢公者通於夫人以取其國此之

謂聃由鄭姬
聃姬姓文王之子聃季之國鄭女為
聃由鄭姬聃夫人同姓相娶猶魯公娶於吳亦

其潰姓所
息由陳媯
息姬姓之國陳媯陳女為息
以亡也侯夫人蔡哀侯亦娶於陳息

媯將歸過蔡蔡哀侯止而見之弗賓媯以告息侯
導楚伐蔡蔡侯怨因稱息媯之美於楚子楚子遂

滅息以

息媯歸鄧由楚曼

鄧曼姓楚曼鄧女為楚武王夫人生文王過鄧而利其國遂滅

鄧而

羅由季姬

羅熊姓之國季姬氏之女為羅夫人

盧由荆媯媯

姓之國荆媯廬女為荆夫人荆楚也

是皆外利離親者也

外利行淫辟求利於

外不能親親以亡其國

夫翟隗姓也無列於王室

列位豺狼次也

之德不可厭也禮新不聞舊

間代也

王以翟女間姜

任非禮且棄舊也

姜氏任氏之女世為王妃嬪今以翟女代之為棄舊也

其

無乃禍階乎王弗聽

國語周語

古者后夫人將侍君前息燭後舉燭至於房中釋朝服

襲燕服然後入御於君朝服展衣君在堂雞鳴大師奏雞鳴於

陛下

奏白也
陛階也

然後夫人鳴佩玉於房中告去也然後應

門擊柝告辟也

應門朝門
辟啓也

然後少師奏質明於陛下

質

也

然後夫人入庭立君出朝

尚書大傳

庭內小臣掌王之陰

事

陰事羣妃御見之事若今掖庭令晝漏不盡八刻日錄所記推當御見者

天官

九嬪各

帥其屬而以時御叙於王所

教各帥其屬者使亦九九相與從於王所息之燕寢

御猶進也勸也進勸王息亦相次叙凡羣妃御見之法月與后妃其象也卑者宜先尊者宜後女御八十一人

當九夕世婦二十七人當三夕九嬪九人當一夕三夫人當一夕后當一夕亦十五日而徧云自望後反之乳

子云日者天之明月者地之理陰契制故

女御掌御

月上屬為天使婦從夫放月紀

同上

叙於王之燕寢

言掌御叙防上之專妬者於王之燕寢則王不就后宫息同上

右后夫人侍君

劉向曰自古聖王必正妃匹妃

匹正則興不正則亂昔夏之興也以塗山其亡也

以末喜殷之興也以有嬖其亡也以妲己周之興

也以太如其亡也以褒姒此其著者也詩云關關

雎鳩在河之洲窈窕淑女君子好逑言后妃說樂

君子之德無不和諧又不淫其色慎固幽深若雎

鳩之有別焉然後可以風化天下也夫雖鳩之鳥
猶未嘗見其乘居而匹處也鳥獸尚然而況於人
乎故夫婦有別則父子親父子親則君臣敬君臣
敬則朝廷正朝廷正則王化成君臣父子夫婦三
者天下之大綱紀也三者治則治三者亂則亂此
關雎以為詩首重人道之始於此也

列女傳

匡衡

曰妃匹之際生民之始萬福之原婚姻之禮正然
後品物遂而天命全

遂成也

孔子論詩以關雎為始

言太上者民之父母

太上居尊上之位者

后夫人之行不倖

乎天地則無以奉神靈之統而理萬物之宜

倖等也

故詩曰窈窕淑女君子好仇

窈窕幽閒也仇匹也

言能致其

貞淑不貳其操情欲之感無介乎容儀

介繫也言不以情欲

繫心而著於容儀也

宴私之意不形乎動靜

形見也

夫然後可

以配至尊而為宗廟主此綱紀之首王教之端也

自上世以來三代興廢未有不由此者也

臣衡傳

周宣姜后賢而有德事非禮不言行非禮不動宣

王嘗早卧而晏起后夫人不出於房姜后既出乃
脫簪珥待罪於永巷使其傅母通言於王曰妾不
才妾之淫心見矣至使君王失禮而晏朝以見君
王之樂色而忘德也夫苟樂色必好奢好奢必窮
樂窮樂者亂之所興也原亂之興從婢子起婢子
生亂當服其辜敢請婢子之罪唯君王之命王曰
寡人不德寔自生過從寡人起非夫人之罪也遂
復姜后而勤於政事早朝晏退繼文武之迹興周

室之業卒成中興之名為周世宗

列女傳

雞既鳴

矣朝既盈矣匪雞則鳴蒼蠅之聲

賦也言古之賢妃御於君所至於將旦之

時必告君曰雞既鳴矣會朝之臣既已盈矣欲令君早起而視朝也然其實非雞之鳴也乃蒼蠅之聲也蓋賢妃當風興之時心常恐晚故聞其似者而以為真非其心存警畏而不留於逸欲何以能此故詩人叙其事而美之也東方明矣朝既昌矣匪東方則明月出

之光

賦也東方明則日將出矣昌盛也此再告也

蟲飛薨薨甘與子同

夢會且歸矣無庶於子憎

賦也蟲飛夜將旦而百蟲作也甘樂會朝也

此三告也言當時我豈不樂與子同寢而夢哉然羣臣之會於朝者俟君不出將散而歸矣無乃

以我之故而并以子
為憎乎 齊風雞鳴

宋伯姬者魯宣公之女成

公之妹也既嫁於恭公十年恭公卒伯姬寡三十
五年至景公時伯姬之宮夜失火左右曰夫人少
避火伯姬曰婦人之義保傅不俱夜不下堂待保
傅來也保母至矣傅母未至也左右又曰夫人少
避火伯姬曰婦人之義傅母不至夜不可下堂越
義求生不如守義而死遂逮於火而死
列女傳 楚
昭貞姜者齊侯之女楚昭王之夫人也王出遊畱

夫人於漸臺之上而去王聞江水大至使使者迎夫
人曰王與宮人約令召宮人必以符今使者不持
符妾不敢行使者曰水方大至還而取符則恐後
矣夫人曰妾聞之貞女之義不犯約勇者不畏死
守一節而已妾知從使者必生留必死也然棄約
越義而求生不若留而死耳於是使者反取符未
還則水大至臺崩夫人流而死上同齊孝孟姬者
華氏之長女齊孝公之夫人也公遊於琅邪華孟

姬從車奔姬墮車碎孝公使駟馬立車載姬以歸
姬使侍御者舒帷以自障蔽而使傅母應使者曰
妾聞妃后踰闔必乘安車輜輶下堂必從傅母保
阿進退則鳴玉環珮內飾則結紐綢繆野處則帳
裳壅蔽所以正心壹意自斂制也今立車無輶非
所敢受命也野處無衛非所敢久居也二者失禮
多矣夫無禮而生不若早死使者馳以告公更安
車及則已自經矣

同上

青史氏之記曰古者胎教王后腹之七月而就宴室

室宴

夾室次宴寢也亦曰側室自王后已下有子曰震女史皆以金環止御王后此七月就宴室夫人婦嬪即以三月就其側室皆閉房而處也王后以七月為節者君聽天下之內政自諸侯以下同之也賈誼新書腹作有

身宴室太師持銅而御戶左大宰持升而御戶右

太師
瞽者

宗伯之屬下大夫太宰膳夫也冢宰之屬上士二人言太宰因諸侯之稱也樂為陽故在左飲食為陰故在右升所以斟新書升作斗此下有太卜持蓍龜而御堂下諸官皆以其職御於門內二旬比及三月

者王后所求聲音非禮樂則太師縵瑟而稱不習

謂逆
序若

縵瑟作撫樂所求滋味者非正味則太宰倚升而言曰

不敢以待王太子

新書升作斗下有不敢煎調四字大戴禮保傳

右胎教

太任邑姜事見下章

太子生而泣太師吹銅曰聲中其律太宰曰滋味上某

太卜曰命云某然後為王太子

大戴無太卜曰十二字賈誼新書

懸

弧之禮東方之弧以梧其牲以雞南方之弧以柳其牲以狗中央之弧以桑其牲以牛西方之弧以棘其牲以羊北方之弧以棗其牲以彘五弧五分矢東方射東方南方射南方中央射中央西方射西方北方射北方皆

三射其四弧其餘各二分矢懸諸國四通門之左中

央之弧亦具餘二分矢懸諸社稷門之左

大戴無此一畧

然後

卜王太子名上母取於天下母取於地中母取於名山

通谷母悖於鄉俗

同上

國君世子生告於君接以大牢

宰掌具

接讀為捷捷勝也謂食其母使補虛彊氣也

三日卜士負之吉者宿

齊朝服寢門外詩負之射人以桑弧蓬矢六射天地四

方

詩之言承也桑弧蓬矢本太古也天地四方男子所有事也

保受乃負之

代士也保保母

宰醴負子賜之束帛

醴當為禮聲之誤也禮以一獻之禮酬之以幣也

卜士之

妻大夫之妾使食子

食之不使君妾適妾有敵義不相

時自凡接子擇日

雖三日之內尊卑必皆選其吉焉

冢子則大牢

天子世子

也冢大也冢子猶

國君世子大牢

皆謂長子

其非冢子則皆

降一等

謂冢子之弟及衆妾之子生也天子諸侯少牢

異為孺子室於宮中

特

一處以

擇於諸母與可者必求其寬裕慈惠溫良恭敬

慎而寡言者使為子師其次為慈母其次為保母皆居

子室

此人君養子之禮也諸母衆妾也可者傳御之屬也子師教示以善道者慈母知其嗜欲者保母安

其居處者士妻

他人無事不往

為兒精氣微弱將驚動也

三月之末

擇日翦髮為髻男角女羈否則男左女右

髻所遺髮也
夾肉曰角午

達曰羈也

世子生則君沐浴朝服夫人亦如之皆立于阼階

西鄉世婦抱子升自西階君名之乃降

子升自西階則人君見世子於

路寢也見妾子就側室凡子生皆就側室諸侯夫人朝於君次而祿衣也

適子庶子見於外

寢撫其首咳而名之禮帥初無辭

此適子謂世子弟也庶子妾子也外寢君

燕寢也無辭辭謂飲有帥記有成也

公庶子生就側室三月之末其母沐

浴朝服見於君擯者以其子見君所有賜君名之衆子

則使有司名之

擯者傳姆之屬也人君尊雖妾不抱子有賜於君有恩惠也有司臣有事者也

魯桓公名子聞於申繻也 內則

冢子未食而見必執其右手適子

庶子已食而見必循其首

天子諸侯尊別世子雖同母禮則異矣未食已食急正緩

庶之義也

同上

食子者三年而出見於公宮則劬

劬勞也士妻大

夫之妾食國君之子三年出歸其家君有以勞賜之 同上

養公者必以其子入

養

不離人母子因以娛公也昭三十一年公羊傳

右生子 天子太子使士負子於南郊以桑弧蓬

矢六射者何也此男子之事也故先表其事然後

食其祿保傳曰太子生舉之以禮使士負之有司

齊肅綏之南郊見於天韓詩內傳曰太子生以桑

弧蓬矢六射上下四方明當有事天地四方也

白虎

通

周太姜者王季之母有邵氏之女也太王娶

以為妃生太伯仲雍王季至於成童靡有過失太

王謀事必於太姜遷徙必與太姜君子謂太姜廣

於德教太任者文王之母摯任氏之中女也王季

娶以為妃太任之性敦一誠莊惟德之行及其有

娠目不視惡色耳不聽淫聲口不出教言生文王

而明聖太任教之以一而識百卒為周宗君子謂
太任能胎教太姒者武王之母禹後有莘姒氏之
女也在郃之陽在渭之涘仁而明道文王嘉之親
迎于渭造舟為梁及入太姒思媚太姜太任旦夕
勤勞以進婦道太姒號曰文母文王治外文母治
內太姒生十男長曰伯邑考次曰武王發次周公
旦次管叔鮮次蔡叔度次曹叔振鐸次霍叔武次
成叔處次康叔封次珣季載太姒之所以教誨扶

持十子者自少及長未嘗見邪僻之事常以正道
檢押之及其長文王繼而教之卒成武王周公之
德武王后曰邑姜太公之女也妊成王於身立而
不跛坐而不差笑而不諠獨處而不倨雖怒而不
詈胎教之謂也

列女傳

桓公六年九月丁卯子同

生

桓公子莊公也十二公唯子同是適夫人之長子備用太子之禮故史書之於策不稱太子者

書始

以大子生之禮舉之接以大牢

大牢牛羊豕

生也

適也卜士負之士妻食之

禮世之生三日卜士負之射人以桑弧蓬矢射

天地四方卜士公與文姜宗婦命之世子生三月

之妻為乳母於外寢立於阼階西鄉世婦抱子升公問名於申

自西階君命之乃降蓋同宗之婦縹對曰名有五有信有義有象有假有類申縹魯

以名生為信若唐叔虞以德命為義若文王名昌

以類命為象若孔子首取於物為假若伯魚生人

名之曰鯉取於父為類若子同生有不以國國君之子

國為名也不以官不以山川不以隱疾隱痛疾患不以

畜牲六畜不以器幣幣玉周人以諱事神名終將

諱之

君父之名固非臣子所斥然禮既卒哭以木鐸徇曰舍故而諱新謂舍親盡之祖而諱新

死者故言以諱事神名終將諱之自父至高祖皆不敢斥言

故以國則廢名不

可易故

廢名以官則廢職以山川則廢主

改其山川之名以畜

牲則廢祀

名豬則廢豬名羊則廢羊

以器幣則廢禮晉以僖侯

廢司徒

僖公名司徒廢為中軍

宋以武公廢司空

武公名司空廢為司

城

先君獻武廢二山

二山具教也魯獻公名具是武公名教更以其鄉名山

以大物不可以命公曰是其生也與吾同物命之

曰同

物類也謂同日春秋左氏傳

古之聖帝將立世子則帝自朝服升自阼階上西鄉妃抱世子自房出東鄉太史奉書而上堂當兩階之間北面立曰世子名曰某者三帝執禮稱辭命世子曰授太祖太宗與社稷於子者三其命也妃曰不敢者再於三命曰謹受命拜而退太史以告太祝太祝以告太祖太宗與社稷太史出以告太宰太宰以告州伯州伯命藏之州府凡諸貴以下至於百姓男女無敢與世子同者

賈誼
新書

右立世子 勢明則民定而出於一道故人皆爭
為宰相而不姦為世子非宰相尊而世子卑也不
可以智求不可以力爭也今以為知子莫如父故
疾死置後者恣父之所以比使親戚不相親兄弟
不相愛亂天下之紀使天下之俗失聞尊敬而不
讓其道莫經於此疾死置後復以適長子如此則
親戚相愛也兄弟不爭此天下之至義也以此防
民百姓猶有爭為君者

賈誼
新書

君在立太子者防

篡然壓臣子之亂也君薨嫡夫人無子有育遺腹
必待其產立之何專適重正也曾子問曰立適以
長不以賢何以言為賢不肖不可知也立子以貴

不以長防愛憎也

白虎通

王子朝曰昔先王之命

曰王后無適則擇立長年鈞以德德鈞以卜

此所謂先

王之經

王不立愛公卿無私古之制也

昭公十六年左氏傳

穆公問於子思曰立太子有常乎答曰有之在周

公之典

言周典有之

公曰昔文王舍適而立其次

文王舍其

適長伯邑考而
立次子武王發

微子舍孫而立其弟

微子舍其孫
肅而立其弟

衍微

是何法也子思曰殷人質而尊其尊故立弟

周人文而親其親故立子亦各其禮也文質不同

其禮則異文王舍適立次權也

以武王賢故
用權而立之

公曰

苟得行權豈唯聖人唯賢與愛立也子思曰聖人

不以權教

權者見機而作
非可為常教

故立制垂法順之為貴

若必欲犯何有於異

脫不順其法違而犯
之亦何有異於用權

公曰舍

賢立聖舍愚立賢何如

言或舍其賢子而立其聖
子舍其愚子而立其賢子

何子思曰唯聖立聖其文王乎不及文王者則各

賢其所愛不殊於適何以限之

言有不及文王者能推其所愛之賢

者而立之亦無殊於立適矣

必不能審賢愚之分請父兄羣臣

卜於祖廟亦權之可也

脫不能審其賢愚則於廟卜其吉而立之亦權之義

也孔叢子

子野卒立敬歸之娣齊歸之子公子稠

齊謚稠昭公名

穆叔不欲曰大子死有母弟則立之無則

立長

立庶子則以年

年鈞擇賢義鈞則卜古之道也

先人後

卜筮也義鈞謂賢等

非適嗣何必娣之子

言子野非適嗣襄三十一年左氏

傳

世子之記曰朝夕至於大寢之門外問於內豎曰今日

安否何如

朝夕朝朝暮夕也日中又朝文王之為世子非禮之制也世子之禮亡言此存其義

內

豎曰今日安世子乃有喜色其有不安節則內豎以告

世子世子色憂不滿容

色憂憂淺也不及文王行不能正履

內豎言復初

然後亦復初朝夕之食上世子必在視寒煖之節食下

問所膳羞必知所進以命膳宰然後退

羞必知所進必知親所食

若

內豎言疾則世子親齊玄而養

親猶自也養疾者齊玄玄冠玄端也

膳宰

之饌必敬視之

疾者之食齊和所欲或異

疾之藥必親嘗之

試毒味也

嘗

饌善則世子亦能食

善謂多於前

嘗饌寡世子亦不能飽

又不

及武王一飯再飯

以至于復初然後亦復初

復常所膳文王世子

右世子事君父

文王之為世子朝於王季日三

三皆曰朝以其禮同

雞初鳴而衣服至於寢門外問內豎之

御者曰今日安否何如

內豎小臣之屬掌外內之通命者御如今小史直日

矣

內豎曰安文王乃喜

孝子恒兢兢

及日中又至亦如

之

又復也

及莫又至亦如之

莫夕也

其有不安節則內

豎以告文王文王色憂行不能正履節謂居處故事履蹈地也

王季復膳飲食安也然後亦復初憂解食上必在視寒暖

之節在察也食下問所膳間所食者命膳宰曰未有原應

曰諾然後退未猶勿也原再也勿有所再進為其失飪臭味惡也退反其寢武王

帥而行之不敢有加焉庶幾程式之帥循也文王有疾武王

不說冠帶而養言常在側文王一飯亦一飯文王再飯

亦再飯欲知氣力箴藥所勝旬有二日乃間間猶瘳也文王世子

晉里克曰大子奉冢祀社稷之粢盛冢大也以朝夕

視君膳者也

膳膳厨

故曰冢子君行則守有守則從

從曰撫軍守曰監國古之制也

閔二年左氏傳

許悼公

瘡飲大子止之藥卒

止獨進藥不由醫

大子奔晉書曰弑

其君君子曰盡心力以事君舍藥物可也

藥物有毒當由

醫非凡人所知譏止不舍藥物所以昭十九年左氏傳

子云孝以

事君弟以事長示民不貳也故君子有君不謀仕

唯卜之日稱二君

不貳不自貳於尊者也自貳謂若鄭叔段者也君子有君謂君

之子父在者也不謀仕嫌遲為政也卜之日謂君有故而為之卜也二當為貳唯卜之時辭得曰君

之貳某爾晉惠公獲於秦命其大夫
歸擇立君曰其卜二圉也
坊記

齊桓公葵丘之會諸侯初命曰誅不孝毋易樹子母以

妾為妻

僖公九年葵丘之會陳牲而不殺讀書加於牲上壹明天子之禁樹立也已立世子不得擅易

初命三事所以修身正家之要也
孟子

右齊家 周公欲弑莊王而立王子克

莊王桓王太子王子

克莊王弟子儀 辛伯告王遂與王殺周公黑肩王子克奔

燕

辛伯周大夫

初子儀有寵於桓王桓王屬諸周公辛

伯諫曰竝后

妾如后

匹嫡

庶如嫡

兩政

臣擅命

耦國

都如國

亂之本也周公弗從故及

及於難也桓十八年左氏傳

晉獻

公欲以驪姬為夫人卜之不吉弗聽立之生奚齊

其娣生卓子及將立奚齊既與中大夫成謀姬謂

太子曰君夢齊姜必速祭之

齊姜太子母言求食

太子祭於

曲沃歸胙於公

胙祭之酒肉

公田姬寘諸宮六日公至

毒而獻之

毒酒經宿輒敗而經六日明公之惑

公祭之地地墳與犬

犬斃與小臣小臣亦斃姬泣曰賊由太子太子奔

新城

新城曲沃四年左氏傳

僖

公子重耳謂之曰子盍言子

之志於公乎

盍何不也重耳申生異母弟欲使言見譖之意

世子曰不可

君安驪姬是我傷公之心也

言其意則驪姬必誅也

曰然則

盍行乎

行猶去也

世子曰不可君謂我欲弑君也天下

豈有無父之國哉吾何行如之

言人有父則皆惡欲弑父者

使

人辭於狐突曰申生有罪不念伯氏之言也以至

於死申生不敢愛其死

辭猶告也狐突申生之傅舅犯之父也前此者獻公

使申生伐東山臯落氏狐突謂申生欲雖然吾君使之行今言此者謝之伯氏狐突別氏

老矣子少國家多難

子謂奚齊

伯氏不出而圖吾君

圖猶

謀也不出為君謀國家之政然則伯氏苟出而圖
自皋落氏反後孤突懼乃稱疾

吾君申生受賜而死

賜猶惠也

再拜稽首乃卒

既告孤突乃雉

經

是以為恭世子也

言行如此可以為恭於孝則未之有

檀弓

魯

公子荊之母嬖

荊哀公庶子

將以為夫人使宗人鬻夏

獻其禮

宗人禮官也

對曰無之公怒曰女為宗司立夫

人國之大禮也何故無之對曰周公及武公娶於

薛

武公教也

孝惠娶於商

孝公稱惠公弗皇商宋也

自桓以下娶於

齊

桓公始娶文姜

此禮也則有若以妾為夫人則固無其

禮也公卒立之而以荆為太子國人始惡之惡公哀

二十四年

左氏傳

僖公八年秋七月禘於大廟用致夫

人劉白曰夫人成風也致之於大廟位之以為夫人用者不宜用者也致

者不宜致者也言夫人必以其氏姓言夫人而不


以氏姓非夫人也立妾之辭也非正也夫人者正嫡之稱謂

非崇妾之嘉號以妾體君則上下無別雖尊其母是卑其父故曰非正也禮有君之母非夫人者又

庶子為後為其母總一則以宗廟臨之而後貶焉

臣無貶君之義故於大廟云一則以外之弗夫人夫人氏姓以明君之非正

而見正焉秦人來歸僖公成風之
襚不言夫人穀梁傳



禮書綱目卷六十

欽定四庫全書

經部

禮書綱目卷六十二

詳校官監察御史臣左周

給事中_臣溫常綬覆勘

總校官進士臣何思鈞

校對官中書臣金光悌

謄錄監生臣金拱聞

欽定四庫全書

禮書綱目卷六十一

婺源江永撰

朝廷禮

通禮十

補

天子者與天地參故德配天地兼利萬物與日月並明
明照四海而不遺微小其在朝廷則道仁聖禮義之序
燕處則聽雅頌之音行步則有環佩之聲升車則有鸞
和之音居處有禮進退有度百官得其宜萬事得其序

詩云淑人君子其儀不忒其儀不忒正是四國此之謂

也

道猶言也環珮環珮玉也所以為行節也玉藻曰進則揖之退則揚之然後玉鏘鳴也環取其無窮止

玉則比德焉孔子佩象環五寸人君之環未聞也鸞和皆鈴也所以為車行節也韓詩內傳曰鸞在衡和在式故升車則馬動馬動則鸞鳴鸞鳴則和應居處朝廷與燕也進退行步與升車也發號出令而民

說謂之和上下相親謂之仁民不求其所欲而得之謂

之信除去天地之害謂之義義與信和與仁霸王之器

也有治民之意而無其器則不成

器謂所操以作事者也義信和仁皆存乎

禮記經解

三代之禮天子春朝朝日秋暮夕月

祭日東壇祭月西壇

故以別內外 所以明有別也春秋入學坐國老執醬而

親饋之

仲春舍菜合舞仲秋班學合聲

所以明有孝也行中鸞和步中

采齊趨中肆夏

車亦應樂節步又中佩聲互言之也

所以明有度也於禽

獸見其生不食其死聞其聲不嘗其肉故遠庖廚所以

長恩且明有仁也食以禮徹以樂失度則史書之工誦

之三公進而讀之宰夫減其膳是天子不得為非也

大戴

禮保傳

右通論

師氏掌以媾詔王

告王以善道也文王世子曰師也者教之以事而諭諸德者也地官

保氏掌諫王惡

諫者以禮義正之文王世子曰保也者慎其身以輔翼之而歸諸道者也

上同

君之所不臣於其臣者二當其為尸則弗臣也

當其為師則弗臣也大學之禮雖詔於天子無北面所

以尊師也

尊師重道焉不使處臣位也武王踐阼召師尚父而問焉曰昔黃帝顓頊之道存乎意亦

忽不可得見與師尚父曰在丹書王欲聞之則齊矣王齊三日端冕師尚父亦端冕奉書而入負屏而立王下堂南面而立師尚父曰先王之道不北面王行西折而南東面而立師尚父西面道書之言

學記

天

子不論先聖王之德不知國君畜民之道不見禮義之

正不察應事之理不博古之典傳不閑於威儀之數詩
書禮樂無經學業不法凡是其屬太師之任也天子無
恩於父母不惠於庶民無禮於大臣不中於制獄無經
於百官不哀於喪不敬於祭不信於諸侯不誠於戎事
不誠於賞罰不厚於德不強於行賜與侈於近臣鄰愛
於疏遠卑賤不能懲忿窒慾

言不勝其情易曰君子以懲忿窒慾

不從太

師之言凡是之屬太傅之任也天子處位不端受業不

敬言語不序聲音不中律

聲有準乃中律

進退節度無禮

節度或為

節序升降揖讓無容周旋俯仰視瞻無儀安顧咳唾趨行

不得

趨或為走

色不比順隱琴瑟

隱據也言按禮樂之器

凡此其屬太

保之任也天子宴譬廢其學

少師與天子宴者也朱子曰譬本作瞻又無廢字今

以學記利補

左右之習反其師

左右所習不順於師也朱子曰此即學記所謂燕朋逆

其師者也

答遠方諸侯不知文雅之辭應對羣臣左右不知

已諾之正簡聞小誦不傳不習凡此其屬少師之任也

天子居處出入不以禮冠帶衣服不以制御器在側不以

度縱上下雜采不以章

感於朱紫不以典章

忿怒說喜不以義賦

與集讓不以節

朱子曰集疑當作譙

凡此其屬少傅之任也天子

宴私安如易

自放縱也朱子曰如而古通用

樂而湛

過於樂也

飲酒而醉食

肉而餒

過其性也

飽而強

強猶強也

飢而慄

慄貪殘也

暑而暍

暍傷暑也

寒

而嗽寢而莫宥坐而莫侍行而莫先莫後天子自為開

門戶取玩好自執器皿亟顧環面

環旋也

御器之不舉不

藏凡此之屬少保之任也號呼歌謠聲音不中律宴樂

雅誦迭樂序

輕用雅誦也凡禮不同樂各有迭苟從所好亂其次聲樂之失任在太史者樂應天

也國語曰吾非瞽史焉知天道也

不知日月之時節不知先王之諱與

大國之忌

周禮小史職曰若有事則詔王之忌諱也

不知風雨雷電之青凡

此其屬太史之任也

大戴保傳

古者天子必有四鄰前曰

疑後曰丞左曰輔右曰弼天子有問無以對責之疑可

志而不志責之丞可正而不正責之輔可揚而不揚責

之弼

尚書大傳

每歲孟春道人以木鐸徇于路官師相規

工執藝事以諫其或不恭邦有常刑

道人司令之官木鐸金口木舌施政

教時所振以警衆也官以職言師以道言規正也相規

云者胥教誨也工百工也百工技藝之事至理存焉理

無往而不在故言無微而可畧也蓋

子曰責難於君謂之恭

書省征

天子聽政使公

卿至於列士獻詩

獻詩以風也列士上士也

替獻典

無目曰替替樂師與樂典也

史獻書

史外史也周官外史掌三皇五帝之書

師箴

師小師也箴箴刺王闕以正得失

矇

賦

無眸子曰矇賦賦公卿列士所獻詩也

矇誦

有眸子而無見曰矇周禮矇主弦歌風誦誦箴諫之

語百工諫

若匠師慶諫魯莊公丹楹刻桷者以諫謂

庶人傳

語

庶人卑賤見時得失不得進傳以語之也

近臣盡規

近臣謂驂僕之屬也盡規盡其規以告王

也親戚補察

補補過察察政也傳曰自王以下有父兄子弟以補察其過

替史教誨

替樂太師史太史也掌陰陽天時禮法之書以相教誨者單襄公曰吾非替史焉知天道

耆艾修之

耆艾師傳也修之理替史之教以聞於王

而後王斟酌焉

斟酌取也

是以事行

而不悖

悖送也國語周語

古之王者政德既成又聽於民

於詢

蕩蕩聽

於是乎使工誦諫於朝

工矇矇也誦誦讀前世箴諫之語

在列

者獻詩使勿兇

列位也謂公卿至於列士獻詩以風也兇惑也

風聽臚言於市

風采也臚傳也采聽商旅所傳善惡之言

辨妖祥於謠

辨別也妖惡也祥善也行歌曰謠丙之辰

壓弧箕服之類是也

考百事於朝

百官職事

問謗譽於路有邪而正之

盡戒之術也

術道也晉語

有君而為之貳

貳卿佐

使師保之

勿使過度是故天子有公諸侯有卿卿置側室

側室支子之官

大夫有貳宗

貳宗宗子之副貳者

士有朋友庶人工商阜隸牧圉

皆有親暱以相輔佐也善則賞之

賞謂宣揚

過則匡之

匡正也

患則救之

救其難也

失則革之

革更也

自王以下各有父子兄

弟以補察其政

補其愆過察其得失

史為書瞽為詩工誦箴諫大

夫規誨士傳言庶人謗商旅於市百工獻藝故夏書曰

道人以木鐸徇於路

逸書道人行今之官也木鐸木舌金鈴徇于路求歌謠之言

官

師相規

官師大夫自相規正

工執藝事以諫

所謂獻藝

正月孟春於是

乎有之諫失常也

有道人徇路公十四年左氏傳

天子有爭臣七人

雖無道不失其天下諸侯有爭臣五人雖無道不失其

國經

卒食玄端而居

天子服玄端燕居也

動則左史書之言則

右史書之

其書春秋尚書其存者

御瞽幾聲之上下

瞽樂人也幾猶察也察其

哀樂

太史典禮執簡記奉諱惡

簡記策書也諱先王名惡忌日若子

卯

天子齋戒受諫

歲終羣臣奏歲事諫王當所改為也

王制

小史掌邦

國之志奠繫世辨昭穆若有事則詔王之忌諱

鄭司農云志謂

記也春秋傳所謂周志國語所謂鄭書之屬是也史官主書故韓宣子聘於魯觀書太史氏繫世謂帝繫世本之屬是也小史主定之瞽瞽誦之先王死日為忌名為諱故書奠為帝杜子春云帝當為奠奠讀為定書亦或為奠玄謂王有事所祭於其廟春官宗祝在廟三公在朝三老在學

王前巫而後史卜筮瞽侑皆在左右王中心無為也以

守至正

此所以達禮於下也教民慎居處也宗宗人也瞽樂人也侑四輔也禮運

天子出

戶而巫覡有事出門而宗祝有事

出戶謂門內也女曰巫男曰覡有事祓除

不祥出門謂車駕出國門宗者主祭祀之官有事謂祭行神也

荀子

太僕掌正王之

服位

服王舉動所當衣也位立處也夏官

小臣正王之燕服位

謂燕居時

也玉藻曰王卒食玄端而居同上

訓方氏掌道四方之政事與其上

下之志

道猶言也為王說之四方諸侯也上下君臣也

誦四方之傳道

傳道世世所傳

說往古之事也為王誦之若今論聖德堯舜之道矣故書傳為傳杜子春云傳當為傳書亦或為傳同上

右師保

凡規諫侍御之法皆在此

魯哀公問於子夏曰必學

而後可以安國保民乎子夏曰不學而能安國

保民者未之有也哀公曰然則五帝有師乎子夏

曰有臣聞神農學乎悉老黃帝學乎大真一作墳顓

頊學乎綠

一作綠圖一作伯夷父

帝嚳學乎赤松子

一作招堯

學乎尹壽

一作務成子跗一作子州父

舜學乎務成跗

一作尹壽一作

許禹學乎西王國

一作大成執

湯學乎威子伯

一作貸子相一

作小文王學乎鮫時

一作錫時子斯

武王學乎郭叔

一作太公

一作文王武王學
太公望周公旦

周公學乎太公一作號叔仲尼學乎

老聃此十一聖人未遭此師則功業不著於天下

名號不傳乎千世夫不學不明古道而能安國家

者未之有也

新序

武王踐阼三日

既王之後

召士大夫

而問焉曰惡有藏之約行之行萬世可以為子孫

恒者乎

惡猶於何也言於何有約言而行之乃行萬世而猶得其福

諸大夫對

曰未得聞也然後召師尚父而問焉曰黃帝顓頊

之道存乎意亦忽不可得見與

言忽然謂不可得見

師尚父

曰在丹書王欲聞之則齊矣三日王端冕師尚父

亦端冕奉書而入負屏而立

端正也樹謂之屏

王下堂南

面而立師尚父曰先王之道不北面王行西折而

南東面而立師尚父西面道書之言曰敬勝怠者

吉怠勝敬者滅義勝欲者從欲勝義者凶凡事不

強則枉

凡事不能自強去執於此則枉也

朱子

曰去執二字恐誤蓋強者以力自矯謂若徇其所偏不自矯揉則終於枉而已

弗敬則不正枉者滅廢敬者

萬世藏之約行之行可以為子孫恆者此言之謂

也

問先帝之道庶聞要約之旨故對此而已

王聞書之言惕若恐懼而

為戒書

託於物以自警戒也

於席之四端為銘焉於几為銘

焉於鑑為銘焉於盥槃為銘焉於楹為銘焉於杖為銘焉

於帶為銘焉於履屨為銘焉於觴豆為銘焉於戶為銘

焉於牖為銘焉於劔為銘焉於弓為銘焉於矛為

銘焉席前左端之銘曰安樂必敬

安不忘危

前右端之

銘曰無行可悔

當恭敬朝夕故以懷安為悔也

後左端之銘曰一

反一側亦不可以忘

言雖反側之間不可以忘道也

後右端之銘

曰所監不遠視邇所代

周監不遠近在殷之世

几之銘曰皇

皇惟敬口生咥

咥恥也言為君子榮辱之主可不慎乎咥咥詈也

口戕口

言口能害口也几者人君出令所依故以言語為戒也

鑑之銘曰見爾前慮

爾後盥槃之銘曰與其溺於人也寧溺於淵溺於

淵猶可游也溺於人不可救也

日知所亡學者之功溺於民庶大人

之禍故或以自新取戒或以游溺為鑑也

楹之銘曰毋曰胡殘其禍將

然毋曰胡害其禍將大毋曰胡傷其禍將長

夫為室者

慎其楹君天下者難其相也

朱杖之銘曰惡乎

子曰此亦泛言未必指楹為相也

危於忿戇

惡乎何也忿者危之道怒甲及

惡乎失

道於嗜慾

杖依道而行之

惡乎相忘於富貴

言身杖相資也因失道相

忘乃嗜慾安樂之戒也

帶之銘曰火滅修容慎戒必恭恭則

壽

雖夜解息其容不可以苟帶於寢先釋故因言之也

履屨之銘曰慎之勞

勞則富

行慎躬勞躬勞終福論慎履亦財不費也履在下尤勞辱因為此戒勞與富音義兩

施互取馬觴豆之銘曰食自杖食自杖戒之僇僇則逃

無求醉飽

戶之銘曰夫名難得而易失無懃弗志

而曰我知之乎無懃弗及而曰我杖

一本作杖

之乎

志識

也杖立不能憊其驚息而自謂
杖成功無可就故終失其名也
擾阻以泥之朱子曰無

懃弗志至此皆所未
詳要必有害於戶者
若風將至必先搖搖搖搖無

有風則先困
朱子曰
此謂戶不固閉而動搖也
雖有聖人不能為謀也論

行諭
亦然
牖之銘曰隨天之時任以地之財質敬祀皇

天敬以先時先祭時而敬齋朱子
曰牖下齊祭之處也
劒之銘曰帶

之以為服動必行德行德則興倍德則崩以順誅也弓

之銘曰屈伸之義廢興之行無忘自一本過作息時言得也

矛之銘曰造矛造矛少間弗忍終身之羞重言造
予見造

予之不易也言少聞之不忍則為予一人所聞終身羞以君子於殺之中禮恕存焉

以戒後世子孫

貽厥孫謀以燕翼子武王之詩也大戴踐阼

昔周辛

甲之為大史也命百官官箴王闕

辛甲周武王大史闕過也使百

官各為箴辭戒王過左傳

明堂之位曰篤仁而好學多聞

而道慎天子疑則問應而不窮者謂之道道者導

天子以道者也常立於前是周公也誠立而敢斷

輔善而相義者謂之充充者充天子之志也常立

於左是太公也絜廉而切直匡過而諫邪者謂之

弼弼者拂天子之過者也常立於右是召公也博聞強記接給而善對者謂之承承者承天子之遺忘者也常立於後是史佚也

史佚周太史尹佚也

故成王中

立而聽朝則四聖維之是以慮無失計而舉無過事殷周之前以長久者其輔翼天子有此具也

大戴

保傳

衛武公年數九十有五矣

武公衛僖公之子共伯之弟武公和

也猶箴儆於國

箴刺也儆戒也

曰自卿以下至於師長士

師長大夫士衆士也

苟在朝者無謂我老耄而舍我

舍謂不諫戒也

必恭恪於朝朝夕以交戒我聞一二之言必誦志

而納之以訓道我

言謗譽之言也志記也

在輿有旅賁之規

規規諫也旅賁勇力之士掌執戈楯夾車而趨車止則持輪

位宁有官師之典

中庭

之左右謂之位門屏之間謂之宁師長也典常也

倚几有誦訓之諫

誦訓工師

所誦之諫書之於几也

居寢有誓御之箴

誓近也

臨事有誓史

之道

事戎祀也誓樂太師掌詔吉凶史太史也掌詔禮事

宴居有師工之誦

師樂師工瞽矇也誦謂箴諫也

史不失書矇不失誦以訓御之

進御

也於是乎作懿戒以自儆也

三家云懿戒書也昭謂懿戒詩大疋抑之

篇也懿讀曰抑毛詩敘曰抑衛武公刺厲王亦以自儆也及其沒也謂之獻聖

武公

獻明也書曰獻作聖諡法威強獻德曰武

楚語

荀子曰國將興必

貴師而重傅貴師而重傅則法度存國將衰必賤

師而輕傅賤師而輕傅則人有快

人肆其意

人有快則

法度壞

荀子大畧

天子皮弁以日視朝

玉藻

眡朝則皮弁服

視朝視內外朝之事皮弁

之服十五升白布衣積素以為裳王受諸侯朝覲於廟則袞冕

春官司服

此二條王視朝之服

象

路朱樊纓七就建大赤以朝

象路以象飾諸末象路無鈎以朱飾勒而已其樊及

纓以五采屬飾之而七成大赤九旗之通帛以司士朝以日視朝春官巾車 此條王視朝車旗

正朝儀之位辨其貴賤之等王南鄉三公北面東上孤東面北上卿大夫西面北上王族故士虎士在路門之

之右南面東上大僕大右大僕從者在路門之左南面

西上

此王日視朝事於路門外之位王族故士故為士晚退晉宿衛者未嘗任雖同族不得在王宮大右

司右也大僕從者小司士擯詔王出揖公卿特揖臣祭僕御僕隸僕大夫以下朝者也特揖

大夫以其等旅揖士旁三揖王還揖門左揖門右特揖

揖之旅衆也大夫爵同者衆揖之公及孤卿大夫始入門右皆北面東上王揖之乃就位羣士及故士大僕之

屬發在其位羣士位東面王西南鄉而揖之三揖者士有上中下王揖之皆逡巡既復位鄭司農云卿大夫士

皆君之所揖禮春秋大僕前前正王視王入內朝皆退傳所謂三揖在下

王入路門也王入路門內朝朝者皆退反其官府治處也王之外朝則朝士掌焉玉藻曰朝服以日視朝於

內朝朝辨色始入君日出而視之退適路寢聽政使人視大夫大夫退然後適小寢謂諸侯也王日視朝皮弁服

其禮則同夏官宰夫之職掌治朝之法以正王及三公六

卿大夫羣吏之位掌其禁令治朝在路門外其位司士掌焉宰夫察其不如儀

天官大僕王眡朝則前正位而退入亦如之前正位而退道王王

既立退居路門左侍朝畢諸子掌國子之倅辨其等正其位鄭司

農云國子謂諸侯卿大夫士之子也玄謂四民之業而士者亦世焉國子者是公卿大夫士之副貳位朝位

同 大宰王眡治朝則贊聽治治朝在路門外羣臣治事之朝王視之則助王

平斷 師氏居虎門之左司王朝虎門路寢門也王日視朝於路寢門

外畫虎馬以明勇猛於守室也司猶察也察王之視朝若有善道可行者則當前以詔王地官以上六條

天子治朝 諸侯朝服以日視朝於內朝朝服冠玄端素裳也此內朝路寢門

外之正朝也天朝辨色始入羣臣也入八應門也辨猶正也別也君日出

而視之退適路寢聽政使人視大夫大夫退然後適小

寢釋服小寢燕寢也釋服服玄端公族其在外朝則以官司

士為之

外朝路寢門之外庭司士亦司馬之屬也掌羣臣之班正朝儀之位也文王世子

諸

侯視朝大夫特士旅之

大夫特士旅之謂君揖之禮器以上三條諸侯治朝

大僕王眡燕朝則正位掌擯相

燕朝朝於路寢之庭王圖宗人之嘉事則燕朝

王不眡朝則辭於三公及孤卿

辭謂以王不視朝之意告之春秋傳曰公有疾

不視朝天子燕朝及辭不視朝

夏官此條

公族其朝於公內朝則東面

北上臣有貴者以齒

內朝路寢庭

庶子治之雖有三命不踰

父兄

治之治公族之禮也唯於內朝則然其餘會聚之事則與庶姓同文王世子此條諸侯燕朝又

羣臣之位見燕禮大射禮

朝士掌建邦外朝之法左九棘孤卿大

夫位焉羣士在其後右九棘公侯伯子男位焉羣吏在其後面三槐三公位焉州長衆庶在其後左嘉石平罷

民焉右肺石達窮民焉

樹棘以為位者取其赤心而外刺象以赤心三刺也槐之言懷

也懷來人於此欲與之謀羣吏謂府吏也州長鄉遂之官鄭司農云王有五門外曰皋門二曰雉門三曰庫門四曰應門五曰路門路門一曰畢門外朝在路門外內朝在路門內左九棘右九棘故易曰係用徽纏寘于叢棘立謂明堂位說魯公宮曰庫門天子皋門雉門天子應門言魯用天子之禮所名曰庫門者如天子皋門所名曰雉門者如天子應門此名別二兼四則魯無皋門應門矣檀弓曰魯莊公之喪既葬而經不入庫門言其除喪而反由外來是庫門在雉門外必矣如是王五門雉門為中門雉門設兩觀與今之宮門同閤人幾出入

者窮民蓋不得入也郊特牲譏繹於庫門內言遠當於廟門廟在庫門之內見於此矣小宗伯職曰建國之神位右社稷左宗廟然則外朝在庫門之外皋門之內與今司徒府有天子以下大會殿亦古之外朝哉周天子諸侯皆有三朝外朝一內朝二內朝之在路門內者或謂之燕朝帥其屬而以鞭呼趨

且辟趨朝辟執鞭以威之禁慢朝錯立族談者慢朝謂臨朝不肅敬也錯立族

談違其位傳小司寇之職掌外朝之政以致萬民而語也秋官

詢焉一曰詢國危二曰詢國遷三曰詢立君外朝在雒門之外者

也國危謂有兵荒之難國遷謂徙都故邑也立君謂無冢適選於庶也鄭司農云致萬民聚萬民也詢謀也詩

曰詢於芻蕘書其位王南鄉三公及州長百姓北面羣曰謀及庶人

臣西面羣吏東面

羣臣卿大夫士也羣吏府吏也其孤不見者孤從羣臣卿大夫在公後

小司寇擯以敘進而問焉以衆輔志而弊謀

擯謂揖之使前也敘

更也輔志者尊王賢明也同上

鄉大夫大詢於衆庶則各帥其

鄉之衆寡而致於朝

大詢者詢國危詢國遷詢立君鄭司農云大詢於衆庶洪範所謂謀

及庶民地官已上三條天子外朝

大宰王眡朝則贊聽治眡四方

之聽朝亦如之

謂王巡守在外朝天官

師氏王舉則從聽治亦

如之

謂王舉於野外地官

保氏王舉則從聽治亦如之

同上

已上三條天子有外聽朝

朝玄端夕深衣

謂大夫士也玉藻此一條大夫士視私朝

右朝儀 離也者明也萬物皆相見南方之卦也

聖人南面而聽天下嚮明而治蓋取諸此也

易說卦傳

君之南鄉答陽之義也臣之北面答君也

答對也

郊特牲

公父文伯之母如季氏

如之也

康子在其朝

自其外朝也

與之言弗應從之及寢門弗應而入

入康子之

家康子辭於朝而入見

辭其家臣入見敬姜

曰肥也不得聞

命無乃罪乎

得無有罪乎

曰子弗聞乎天子及諸侯合

民事於外朝

言與百官考合民事於外朝也

合神事於內朝

神事祭祀

也內朝在路門內

自卿以下合官職於外朝

外朝君之公朝

合家

事於內朝

家大夫也內朝家朝也

寢門之內婦人治其業焉

上下同之

寢門在室之門上
下天子以下也

夫外朝子將業君之

官職焉內朝子將庀季氏之政焉

庀治也

皆非吾所

敢言也

國語魯語

天子左五鐘右五鐘

凡律呂十二各一鐘天子宮縣黃鐘蕤賓在南北其餘則在東西

天子將出則撞黃鐘右五鐘皆應

黃鐘在陽陽氣動西五鐘在陰陰氣靜

將出故以動告靜靜者皆和也

馬鳴中律步者皆有容駕者皆有文御

者皆有數步者中規折還中矩立則磬折拱則抱鼓

言聲

合於樂體比於禮也

然後太師奏登車告出也

周禮王出入奏王夏

入則撞

鼗賓左五鐘皆應

鼗賓在陰東五鐘在陽君入故以靜告動動者則亦皆和之也

以治

容貌在內者皆玉色在外者皆金聲

玉色反其正性也金聲其事殺

然

後少師奏登堂就席告入也

少師佐成大師之事者也

樂

師教樂儀行以肆夏趨以采齊車亦如之環拜以鐘鼓

為節

教樂儀教王以樂出入於大寢朝廷之儀故書趨作路鄭司農云路當為趨書亦或為趨肆夏采齊

皆樂名或曰皆逸詩謂人君行步以肆夏為節趨疾於步則以采齊為節若今時行禮於太學罷出以鼓陔為

節環謂旋也拜直拜也玄謂行者謂於大寢之中趨謂於朝廷爾雅曰堂上謂之行門外謂之趨然則王出既服至堂而肆夏作出路門而采齊作其反入至應門路門亦如之此謂步迎賓客王如有車出之事登車於大寢西階之前及降於阼階之前尚書大傳曰天子將出撞黃鐘之鐘右五鐘皆應入則撞蕤賓之鐘左五鐘皆應大師於是奏樂春官

大馭掌馭玉路以祀凡馭路行以肆夏

趨以采齊

凡馭路謂五路也肆夏采齊樂章也行謂大寢至路門趨謂路門至應門凡馭路

儀以鸞和為節

舒疾之法也鸞在衛和在軾皆以金為鈴夏官

齊僕掌馭

金路以賓

以待賓客同上

道僕掌馭象路以朝夕燕出入

其法儀如齊車

朝夕朝朝其夕

掌貳車之政令

貳亦副同上

齊右掌

祭祀會同賓客前齊車王乘則持馬行則陪乘

齊車金路王自

整齊之車也前之者已駕王未乘之時陪乘參乘謂車右也齊右與齊僕同車而有祭祀之事則兼王路之右然則戎右凡有牲事則前馬
王見牲則拱而式居馬前卻行備驚奔也曲禮曰國

君下宗廟式齊牛同上

道右掌前道車王出入則持馬陪乘如

齊車之儀

道車象路也王行道德之車

自車上諭命於從車

自詔王

之車儀

顧式之屬

王式則下前馬王下則以蓋從

以蓋從表尊同上

隸僕王行洗乘石

鄭司農云乘石王所登以上車之石也詩云有扁斯石履之卑余謂

上車所登之石同上

大僕王出入則自左馭而前驅

前驅如今道引

也道而居左自馭不參乘辟王也亦有車右焉

同上

小臣詔相王之小法儀

小法儀趨行拱揖之容

王之燕出入則前

驅

燕出入若今遊於諸觀苑

同上

虎賁氏掌先後王而趨以卒伍

王出將虎賁士居前後雖羣行亦有局分

同

上旅賁氏掌執戈盾夾王車而趨左八人右八人車

止則持輪

夾王車者其下士也下士十有六人中士為之帥焉

同上

節服氏掌

祭祀朝覲袞冕六人維王之大常

服袞冕者從王服也維維之以縷王旌十

二旒兩兩以縷綴連旁三人持之禮天子旌曳地鄭司農云維持之

諸侯則四人其服亦

如之

同上

條狼氏掌執鞭以趨辟王出入則八人夾道公

則六人侯伯則四人子男則二人

趨辟趨而辟行人若今卒辟車之為也孔

子曰富而可求雖執鞭之士吾亦為之言士之賤也

秋官

大司寇凡邦之大事

使其屬蹕

屬士師以下也故書蹕作避杜子春云避當為辟謂辟除姦人也玄謂蹕止行也同上

小司寇大賓客前王而辟

鄭司農云小司寇為王道辟除姦人也若今時執金

吾下至令尉奉引矣

凡國之大事使其屬蹕

屬士師以下同上

士師王

燕出入則前驅而辟

道王且辟行人同上

鄉士大祭祀大喪

紀大軍旅大賓客則各掌其鄉之禁令帥其屬夾道而

蹕

屬中士以下

三公若有邦事則為之前驅而辟

鄭司農云鄉士為三

公道也若今時三公出城
郡督郵盜賊道也

同上

遂士若邦有大事聚衆庶

則各掌其遂之禁令帥其屬而蹕

大事王所親也

六卿若有邦

事則為之前驅而辟

同上

縣士若大夫有邦事則為之

前驅而辟

同上

右出入僕從之儀

穆王曰昔在文武侍御僕從

罔非正人出入起居罔有不欽

罔命

號之會

諸侯之大尋

宋之盟也在昭元年

楚公子圍二人執戈先焉

楚公子圍恭王之庶

子靈王熊虔也時為令尹先謂使二人執戈在前導也

叔孫穆子曰天子有

虎賁習武訓也

穆子魯卿叔孫豹也訓教也虎賁掌先後王而趨舍則守王闕在國

則守宮門所以習武教也

諸侯有旅賁禦災害也

禦禁也旅賁掌執戈盾夾

車而趨車止則持輪所以備非常禁災害也

大夫有貳車備承事也

貳副

也承奉也事使也

士有陪乘告奔走也

陪猶重也奔走使令也

今大

夫而設諸侯之服有其心矣

有篡國之心也國語魯語

帝曰龍朕聖讒說殄行震驚朕師命汝作納言夙夜出

納朕命惟允

聖疾殄絕也殄行者謂傷絕善人之事也師衆也謂其言之不正而能變亂黑白以

駭衆聽也納言官名命令政教必使審之既允而後出則讒說不得行而矯偽無所託矣數奏復逆必使審之

既允而後入則邪僻無自進而功緒有所稽矣周之內史漢之尚書魏晉以來所謂中書門下者皆此職也

舜典 宰夫敘羣吏之治以待賓客之令諸臣之復萬民

之逆

恒次敘諸吏之職事三者之來則應使辨理之鄭司農云復請也逆迎受王命者宰夫主諸臣萬民

之復逆故詩人重之曰家伯冢宰玄謂復之言報也反也反報於王謂於朝廷奏事自下而上曰逆逆謂上書

官天

內史掌敘事之法受納訪以詔王聽治

叙六敘也納訪

納謀於王也六敘六曰以敘聽其情凡命諸侯及孤卿大夫則策命之鄭

農說以春秋傳曰王命內史興父策命晉侯為侯伯策謂以簡策書王命其文曰王謂叔父敬服王命以綏四

國糾遯王憲晉侯三凡四方之事書內史讀之若今尚

辭從命受策以出

事王制祿則贊為之以方出之

贊為之為之辭也鄭司農云以方出之以方板

書而出之賞賜亦如之內史掌書王命遂貳之

副寫藏之春官

外史掌書外令

王令下畿外

若以書使於四方則書其令書

令以授使者同上

御史掌贊書

王有命當以書致之則贊為辭若今尚書作說文同上

大僕出入王之大命

出大命王之教也入大命羣臣所奏行

掌諸侯之

復逆

鄭司農云復謂奏事也逆謂受下奏

建路鼓于大寢之門外而掌其

政

大寢路寢也其門外則內朝之中如今宮殿端門下矣政鼓節與早晏

以待達窮者與

遽令聞鼓聲則速逆御僕與御庶子

鄭司農云窮謂窮寃夫職則來擊此

鼓以達於王若今時上變事擊鼓矣遽傳也若今時驛馬軍書當急聞者亦擊此鼓令聞此鼓聲則速逆御僕與御庶子也大僕主令此二官使速逆窮遽者玄謂達窮者謂司寇之屬朝士掌以肺石達窮民聽其辭以告於王遽令郵驛上下程品御僕御庶子直事鼓所者大僕聞鼓聲則速逆此二官當受其事以聞夏官

小臣掌王之小命

小命時事所勅問也

掌三公及孤卿之復逆

同上

御僕掌羣吏之逆及庶民之復

羣吏府史以下

掌王之燕令

燕居時

以序守路鼓

序更同上

振木鐸於朝天子之政

也

天子將發號令必以木鐸警衆明堂位

右號令復逆天下有風姤后以施命誥四方

易

王言如絲其出如綸王言如綸其出如綯

言言出彌

大也綸今有秩嗇夫所佩也綯引棺索也

故大人不倡游言

游猶浮也

言也

穆王曰昔在文武發號施令罔有不臧

罔

成王與弟叔虞戲削桐葉為珪以與叔虞曰

以此封若史佚因請擇日立叔虞成王曰吾與之戲耳史佚曰天子無戲言言則史書之禮成之樂

歌之於是遂封叔虞於唐

史記

王命仲山甫式是

百辟續戎祖考王躬是保出納王命王之喉舌賦

政于外四方爰發

賦也式法戎汝也王躬是保所謂保其身體者也然則仲山甫

蓋以冢宰兼大保而大保抑其世官也與出承而布之也納行而復之也喉舌所以出言也發發而

應之也

大雅烝民

大宰以九式均節財用四曰羞服之式

羞飲食之物也天官

天府闢市之賦以待王之膳服

膳服即羞服也同上

膳夫掌

王之食飲膳羞以養王及后世子

食飯也飲酒漿也膳牲肉也羞有滋味者

凡養之具凡王之饋食用六穀膳用六牲飲用六清羞

大畧有四用百二十品珍用八物醬用百有二十醢

進物於尊者曰饋此饋之

盛者王舉之饌也六牲馬牛羊豕犬雞也羞出於牲及禽獸以備滋味謂之庶羞公食大夫禮內則下大夫十

六上大夫二十其物數備馬天子諸侯有其數而物未得盡聞珍謂淳熬淳母炮豚炮牦擣珍漬熬肝膋也醬

謂醢醢也王舉則醢人共鼈鼈醢物六十鼈以五鼈七醢七菹三鼈實之醢人共鼈鼈醢物六十鼈鄭司農云羞進也

六穀稌黍稷粱麥苽苽彫王日一舉鼎十有二物皆有胡也六清水漿醴醢醫配

俎殺牲盛饌曰舉王日一舉以朝食也后與王同庖以鼎十有二牢鼎九陪鼎三物謂牢鼎之實亦九俎以

樂侑食膳夫授祭品嘗食王乃食侑猶勸也祭謂刲肺脊也禮飲食必祭示

有所先品者每物卒食以樂徹于造造作也鄭司農云皆嘗之道尊者也造謂食之故所居

徹也己食王齊日三舉鄭司農云齊必變食大喪則不舉大荒凶年大札

疫癘也天哉日月晦食地哉崩動也大故寇戎之事鄭司農云大故刑殺也春秋傳曰司寇行戮君為之不舉

王燕食則奉膳贊祭

燕食謂日中與夕食奉膳奉朝之餘膳所祭者牢肉凡王之

稍事設薦脯醢

鄭司農云稍食謂非日中大舉時而問食謂之稍事膳夫主設薦脯醢玄謂稍

事有小事而飲酒

掌后及世子之膳羞

亦主其饌之數不饋之耳凡肉脩之

頒賜皆掌之

鄭司農云脩脯也

凡祭祀之致福者受而膳之

致福

謂諸臣祭祀進其餘肉歸胙于王鄭司農云膳夫受之以給王膳

以摯見者亦如之

鄭司農云

以羔鴈雉為摯見者亦受以給王膳

歲終則會唯王及后世子之膳不

會

不會計多少優尊者其頒賜諸臣則計之同上

食醫掌和王之六食六

飲六膳百羞百醬八珍之齊

和調也

凡食齊眡春時

飯宜溫

羹齊眡夏時

羹宜熱

醬齊眡秋時

醬宜涼

飲齊眡冬時

飲宜寒

凡和春多酸夏多苦秋多辛冬多鹹調以滑甘

各尚其時味而

甘以成之猶水火金木之載於土內則曰棗栗飴蜜以甘之薑荳粉榆兔薤滑瀝以滑之

凡會膳食

之宜牛宜稌羊宜黍豕宜稷犬宜粱鴈宜麥魚宜苽

會成

也謂其味相成鄭司農云稌稷也爾雅曰稌稻苽彫胡也

凡君子之食恒放焉

放猶依也

上

同

饔人共王及后之六食

六食六穀之飯地官

春天子

食麥與羊

麥實有孚甲屬木羊火畜也時尚寒食之以安性也

夏食菽與雞

菽實孚甲

堅合屬水雞木畜時
熱食之亦以安性也
中央土食稷與牛
稷五穀之長秋

食麻與犬

麻實有文理屬金犬金畜也

冬食黍與彘

黍秀舒散屬火寒時食之亦以

安性也彘水畜也

月令 酒正掌酒之政令以式灋授酒材

式法作酒

之法式作酒既有米麴之數又有功沽之巧月令曰乃命大酋秫稻必齊麴蘖必時湛醅必潔水泉必香陶器

必良火齊必得鄭司辨三酒之物一曰事酒二曰昔酒農云授酒人以其材

三曰清酒

鄭司農云事酒有事而飲也昔酒無事而飲也清酒祭祀之酒玄謂事酒酌有事者之酒

其酒則今之醪酒也昔酒今之酋久白酒所謂辨四飲之謂舊醪者也清酒今中山冬釀接夏而成

物一曰清二曰醫三曰漿四曰醢

清謂醴之沛者醫內則所謂或以醢為醴

凡醴濁釀配為之則少清矣醫之字從段從酉省也漿
今之載漿也配今之粥內則有黍配配飲粥稀者之清
也鄭司農說以內則曰飲重醴稻醴清蒲黍醴清蒲梁
醴清蒲或以配為醴漿水臆後致飲于賓客之禮有醫
配糟糟音聲與蒲相似醫與臆亦相似
文字不同記之者各異耳此皆一物
掌其厚薄之齊

以共王之四飲三酒之饌及后世子之飲與其酒

后世子不

言饌其饋食不必具設之五齊正用醴為飲
者取醴恬與酒味異也其餘四齊味皆似酒掌酒之賜

頒皆有法以行之

之法尊卑之差

唯王及后之飲酒不會以酒

式誅賞

誅賞作酒之善惡者天官

酒人凡事共酒而入于酒府

入于酒正之府者是王燕飲之酒酒正當奉之同上

漿人掌共王之六飲水

漿醴涼醫配入於酒府

王之六飲亦酒正當奉之醴醴清也鄭司農云涼以水和酒也

玄謂涼今寒粥若糗飯雜水也酒正不辨水涼者無厚薄之齊同上

仲冬乃命大酋

秫稻必齊麴蘖必時湛熾必絜水泉必香陶器必良火

齊必得兼用六物大酋監之毋有差貸

酒熟曰酋大酋者酒官之長也

於周則為酒人秫稻必齊謂孰成也湛漬也熾炊也火齊腥孰之調也物猶事也差貸謂失誤有善有惡也古者獲稻而漬米麴至春而為酒詩云十月獲稻為此春酒以介眉壽月令

庖人掌其六

畜六獸六禽辨其名物

六畜六牲也始養之曰畜將用之曰牲春秋傳曰卜曰牲鄭

司農云六獸麋鹿熊麋野豕兔六禽雁鵠鷄雉鳩鵠玄謂獸人冬獻狼夏獻麋又內則無熊則六獸當有狼而

熊不屬六禽於禽獻及六摯宜為羔豚犢麋雉雁凡其

死生蠹薨之物以共王之膳與其薦羞之物及后世子

之膳羞凡計數之薦亦進也備品物曰薦致滋味乃為羞王言薦者味以不褻為尊鄭司農云鮮謂生

肉羹謂凡用禽獻春行羔豚膳膏香夏行腍鱠膳膏臊

秋行犢麋膳膏腥冬行蠹羽膳膏羶用禽獻謂煎和之

膏香牛脂也以牛脂和之腍乾雉鱠乾魚膏臊豕膏也

以豕膏和之杜子春云膏臊犬膏膏腥豕膏也鮮魚也

羽雁也膏羶羊脂也玄謂膏腥雖膏也羔豚物生而肥

犢與麋物成而充腍鱠熟而乾魚雁水洄而性定此

八物者得四時之氣尤盛為人食之弗勝是以用休廢

之脂膏煎和膳之牛屬司徒土也雞屬宗伯木也犬屬

司冠金也羊屬司馬火也歲終則會唯王及后之膳禽不會膳禽四時所膳

禽獻如世子可以會之天子官內饗掌王及后世子膳羞之割亨煎

和之事辨體名肉物辨百品味之物割肆解肉也亨煮也煎和齊以五味

體名脊脅肩臂臑之屬肉物載燔之王舉則陳其鼎俎

以牲體實之取於錢以實鼎取於鼎以實俎實鼎曰脊實俎曰載選百羞醬物珍

物以俟饋先進食之時恒共后及世子之膳羞膳夫掌是乃

之共辨腥臊羶香之不可食者牛夜鳴則廋羊冷毛而毳

羶犬赤股而躁臊鳥鵲色而沙鳴狸豕盲眊而交睫腥

馬黑脊而般臂蜚

腥臊膻香可食者是別其不可食者則所謂者皆臭味也冷毛毛長總結

也臠失色不澤美也沙澌也交睫腥膻當為星聲之誤也肉有如米者似星般臂臂毛有文鄭司農云猶朽木

臭也蜚蜚蛄臭也杜子春云盲眊當為望視

凡宗廟之祭祀掌割亨之事凡

燕飲食亦如之凡掌共羞脩刑臠胖骨鱠以待共膳

掌共

共當為具羞庶羞也脩鍛脯也胖如脯而腥者鄭司農云刑臠謂夾脊肉或曰膾肉也骨鱠謂骨有肉者玄謂

刑銅羹也臠腠肉大臠所凡王之好賜肉脩則饗入共

之好賜王所善而

亨人掌共鼎鑊以給水火之齊

鑊所

以煮肉及魚脂之器就孰乃胥于鼎齊多少之量職外內饗之饗亨者辨膳羞

之物

職主也。饗今之竈主。於其饗煮物。同上。

獸人掌罟田獸辨其名物

罟田也以罟搏所當田之獸。

冬獻狼夏獻麋春秋獻獸物。狼膏聚麋膏散聚則

溫散則涼以救時之苦也。獸物凡獸皆可獻也。及狐狸。同上。

獸人掌以時獻為梁

月令季冬命漁師為梁。鄭司農云梁水偃也。偃水為關空以苟承其空。詩曰敝苟在梁。辨魚物為

鱻鼈以共王膳羞

鮮生也。鼈乾也。同上。

腊人掌乾肉凡田獸

之脯腊膾胖之事

大物解肆乾之謂之乾肉。若今涼州鳥翅矣。薄析曰脯。捶之而施薑桂曰

鍛脩腊小物全乾。同上。

掌畜共膳獻之鳥

雉及鵠鴛屬。夏官

司士

掌擯士者膳其摯

擯士告見初為士者於王也。鄭司農云膳其摯者王食其所執羔雁之摯。

玄謂膳者入於王

膳人凡珍異之有滯者歛而入於

膳府

珍異四時食物也不售而在廛久則將瘦臞腐敗為賈之入膳夫之府所以紓民事而官不失實

地

遷人為王及后世子共其內羞

於其飲食以共房中之羞天官

醢人為王及后世子共其內羞王舉則共醢六十壘

以五齊七醢七菹三醢實之

齊當為齏五齏昌本脾析蜃豚拍深蒲也七醢醢羶

麇也凡醢醢所和細切為齏全物若醢為菹少儀曰麇

鹿為菹野於為軒皆醢而不切麇為辟雞兔為宛脾皆

之稱菜肉

醢人王舉則共齊菹醢物六十壘共后及

世子之醬齊道

同上

天子之豆二十有六

謂天子朔食禮器

鹽人掌鹽之政令以共百事之鹽

政令謂受入教所處置求者所當得王

之膳羞共飴鹽后及世子亦如之

飴鹽鹽之甜者今戎鹽有焉凡齊

事鬻監以待戒令

齊事和五味之事鬻監凍治之天官

凌人掌冰春

始治鑑

鑑如甑大口以盛冰置食物于中以禦溫氣春而始治之為二月將獻羔而啟冰

凡外

內饗之膳羞鑑焉凡酒漿之酒醴亦如之

酒醴見溫氣亦失味酒漿

酒人漿人

冪人掌共巾冪

共巾可覆物

凡王巾皆黼

四飲三酒

皆畫黼周尚武其用文德則黻可

同上大司樂王大食三宥皆令奏鐘

鼓

大食朔月月半以樂宥食時也宥猶勸也春官

天子皮弁以日視朝遂

以食日中而餽奏而食日少牢朔月大牢

餽食朝之餘也奏奏樂也

五飲上水漿酒醴醢

土水水為上餘其次之

卒食玄端而居年不順

成天子食無樂

自貶損也

諸侯又朝服以食特牲三俎祭肺

養身也三俎豕魚腊

夕深衣祭牛肉

祭牛肉異於始殺也天子言日中諸

侯言夕天子言餽諸侯言祭牛肉互相挾

朔月少牢五俎四簋

五俎加羊與其腸胃也朔

月四簋則日食梁稻各一簋而已

子卯稷食菜羹

忌日也

夫人與君同庖

不特殺也

君無故不殺牛大夫無故不殺羊士無故不殺犬豕

故謂祭
祀之屬

君子遠庖厨凡有血氣之類弗身踐也

踐當為剪聲之

誤也剪

至于八月不雨君不舉

為旱變也此謂建子之月不雨盡建未月也春

秋之義周之春夏無雨未能成灾至其秋秀實之時而無雨則雩雩而得之則書雩喜祀有益也雩而不得則

書旱明災成也玉藻

歲凶年穀不登君膳不祭肺大夫不食

梁士飲酒不樂

皆自為貶損憂民也禮食殺牲則祭先有虞氏以首夏后氏以禮食殺牲則祭周

人以肺不祭肺則不殺也天子食日少牢朔月大牢諸侯食日特牲朔月少牢梁加食也不樂去琴瑟曲禮

大侵之禮君食不兼味

襄二十四年穀梁傳

司寇行戮

司寇刑官

君為之不舉

去盛饌莊二十年左氏傳

天子一食諸侯再大夫

士三食力無數

一食再食三食謂告飽也
食力謂工商農也

大夫燕食

有膾無脯有脯無膾士不貳羹載庶人耆老不徒食

尊卑

差也
內則

羹食自諸侯以下至於庶人無等

羹食食之
主也庶羞

亦異
耳

大夫無秩膳

謂五十始命未
甚老也秩常也

大夫七十而有閣

有秩

膳也閭以板為
之度食物也

天子之閭左達五右達五公侯伯於房

中五大夫於閭三士於坵一

達夾室大夫言於閭與天
子同處天子二五倍諸侯

也五者三牲之內
及魚膳也同上

飯目諸
飯也

黍稷稻粱白黍黃粱稭稊

孰獲曰稭生獲
曰稊黍黃黍也

膳目諸
膳也

鴈臠醢醢牛炙醢牛醢醢牛膾

羊炙羊馘醢炙醢炙馘芥醬魚膾雉兔鶉鷄

此上大

庶羞二十豆也以公食大夫禮校之則饒牛炙間不得有醢醢衍字也又以鷄為鴛也

飲目諸重

醢稻醢清糟黍醢清糟梁醢清糟

重倍也糟醇也清沛也致飲有醇者有沛

者陪設

或以醢為醢

醢醢為醢

黍配

配漿

水

耕醢

醢

諸

和水也以周禮六飲校之則酒酒目諸

清白

白事酒也羞諸

羞糗餌粉配

糗糗糗也

實粉

餌粉

養羞豆之實

配食

周

食此配當為餽以稻米與狼臠膏為餽是也

食

食飯也目人若燕食所用也

蝸醢

而苽食

雉羹麥食脯羹雞羹折稊犬羹兔羹和粿不粿

苽彫胡也稊稻

也凡羹齊宜五味之和米屑之糝麥
則不矣此脯所謂析乾牛羊肉也
濡豚包苦實麥濡

雞醢醬實麥濡魚卵醬實麥濡鼈醢醬實麥
之凡濡謂亨以汁和

也苦苦茶也以包豚殺其氣
卵讀為鯢鯢魚子或作捫也
服脩蜆醢服脩捶脯施薑

也脯羹免醢麋膚魚醢魚膾芥醬麋腥醢醬桃諸梅諸

卵監
其自蝸醢至此二十六物似皆人君燕所食也
凡食

齊視春時
溫飯宜羹齊視夏時
羹宜醬齊視秋時
醬宜飲

齊視冬時
寒飲宜凡和春多酸夏多苦秋多辛冬多醢調

以滑甘
多其時味
牛宜稌羊宜麥豕宜稷犬宜粱雁宜

麥魚宜苳

言宜氣味相成也

春宜羔豚膳膏薺夏宜牀鰭膳膏

臊秋宜犢麋膳膏腥冬宜鮮羽膳膏羶

此八物四時肥美也為其大盛

煎以休廢之膏節其氣也牛膏薺犬膏臊雞膏腥羊膏羶鴈乾雉也鰭乾魚也鮮生魚也羽雁也

牛脩

鹿脯田豕脯麋脯麇脯麀鹿田豕麇皆有軒雉兔皆有

芼

脯皆析乾其肉也軒讀為憲謂藿葉切也芼謂菜釀也軒或為胖

爵鷄蜩范

蜩蟬也范蜂也

芝栢淩棋棗栗榛柿爪桃李梅杏棋梨薑桂

淩芰也棋枰也

梨之不臧者自牛脩至此三十一物皆人君燕食所加庶饕也周禮天子羞用百有二十品記者不能次錄

膾春用蔥秋用芥豚春用韭秋用蓼芥芥醬也脂用蔥膏用

醢

脂肥凝者
釋者曰膏

三牲用藪和用醢

藪煎菜羹也漢律會稽
獻焉爾雅謂之藪和用

醢者畜與家
物自相和也

獸用梅

亦野物
自相和

鵠羹雞羹鴈羹之羹

醢謂
切雜

之也駕在羹下
烝之不羹也

魴鱖烝雞燒雉鄉無蓼

鄉蘇荏之屬也
燒烟於火中也

自膳用蔥至此言
調和菜釀之宜也

不食雛黿狼去腸狗去腎狸去正脊

免去尻狐去首豚去腦魚去乙黿去醜

皆為不利人也
雛黿伏乳者乙

魚體中害人者名也今東海鰐魚有骨名乙在
目傍狀如篆乙食之鯁人不可少醜謂黿竅也

肉曰脫

之魚曰作之棗曰新之栗曰撰之桃曰膽之榘梨曰攢

之皆治擇

之名也 牛夜鳴則盾羊冷毛而毳羶狗赤股而躁臊

鳥鰾色而沙鳴鬱豕望視而交睫腥馬黑脊而般臂漏

雛尾不盈握弗食舒雁翠鵠鵙胖舒鳧翠雞肝雁腎鵠

與鹿胃

亦皆為不利人也。廌惡臭也。春秋傳曰：一薰一

也。鰾色毛變色也。沙猶嘶也。鬱腐臭也。望視遠視也。腥當為星聲之誤也。星肉中如米者般臂。前腥般然也。漏當為螻如。蛄螻臭也。舒雁鵠也。翠尾肉也。鵠鵙胖謂脅側薄肉也。舒鳧鵠也。鵠與脾肫也。鵠或為鵠也。肉腥細者為膾大者為軒。

言大切細切異名也。膾者必先軒之。所謂臠而切之也。

或

曰麋鹿魚為菹。麋為辟雞。野豕為軒。兔為宛。脾切蔥若

醢實諸醢以柔之。

此軒辟雞宛脾皆菹類也。醢菜而柔之以醢殺腥肉及其氣。今益州有鹿

瘰者近由此為之矣。菹，軒轟而不切，辟雞宛脾轟而切之。軒或為脾宛，或作鬱。

同上。

淳熬煎

醢加於陸稻，上沃之以膏，曰淳熬。

沃，沃也。熬，亦煎也。沃煎成之，以為名。

淳

母煎醢加於黍食，上沃之以膏，曰淳母。

母，讀曰模。模，象也。作此象，淳熬。

炮取豚，若將剗之，剗之實棗於其腹中，編萑以苴之，塗

之以謹塗。炮之塗皆乾，擘之，濯手以摩之，去其皴，為稻

粉糝，溲之，以為酏，以付豚煎。諸膏膏必減之，鉅鑊湯以

小鼎，薌脯於其中，使其湯毋減。鼎三日三夜，毋絕火，而

后調之以醢醢。

炮者，以塗燒之為名也。將當為詳，詳北羊也。剗，剗博異語也。謹，當為謹聲之誤。

也瑾塗塗有穰草也鰾謂皮肉之上魄草也糝搜亦博異語也糝讀與澹澹之澹同鄉脯謂煮豚若羊於小鼎中使之香美也謂之脯者既去鰾則解析其肉使薄如為脯然唯豚全耳豚羊入鼎三日乃內醢醢可食也

擣珍取牛羊麋鹿麇之肉必胾每物與牛若一捶反側

之去其餌孰出之去其鰾柔其肉

胾脊側肉也捶擣之也餌筋腠也柔之為

汁和也汁和亦醢醢與

漬取牛肉必新殺者薄切之必絕其理湛

諸美酒期朝而食之以醢若醢醢

湛亦漬也

為熬捶之去其

鰾編萑布牛肉焉屑桂與薑以洒諸上而鹽之乾而食之施羊亦如之施麋施鹿施麇皆如牛羊欲濡肉則釋

而煎之以醢欲乾肉則捶而食之

之熬於火上為之也今火脯似矣欲濡欲

乾人自由也醢或為醢此七者周禮八珍其一肝膋是也糝取牛羊豕之肉三如一

小切之與稻米稻米二肉一合以為餌煎之

此周禮糝食也肝

膋取狗肝一幪之以其膋濡炙之舉焦其膋不蓼

膋問脂

舉或為巨取稻米舉糝溲之小切狼臠膏以與稻米為醢

膏臠中膏也以煎稻米則似今膏饘矣此周禮配食也此配當從餼同上

右膳羞 王者所以日食何明有四方之物食四

時之功也四方不平四時不順有徹樂之法焉所

以鳴至尊著法戒也王平居中央制御四方平旦
食少陽之始也晝食太陽之始也晡食少陰之始
也暮食太陰之始也論語曰亞飯干適楚三飯繚
適蔡四飯缺適秦諸侯三飯卿大夫再飯尊卑之
羞也禮保傳曰王失度宰夫徹其膳宰所以徹膳
何陰陽不調五穀不熟故王者為不盡味而食之
禮曰一穀不升不備雞鶩二穀不升不備三牲
白虎

通

天子玄端聽朔於南門之外閏月則闔門左扉立于其

中

端當為冕字之誤也玄衣而冕冕服之下南門謂國門也天子廟及路寢皆如明堂制明堂在國之陽每

月就其時之堂而聽朔焉卒事反宿路寢亦如之閏月非常月也聽其朔於明堂門中還處路寢門終月凡聽

朔必以特牲告其帝及神配以文王武王玉藻

孟春天子居青陽左个

青陽

左个大寢東堂北偏

仲春天子居青陽大廟

青陽大廟東堂大室

季春天子

居青陽右个

青陽右个東堂南偏

孟夏天子居明堂左个

明堂左个大寢

南堂東偏也

仲夏天子居明堂大廟

南堂大廟南堂當大室也

季夏天子

居明堂右个

明堂右个南堂西偏也

中央土天子居大廟大室

大廟

大室中
孟秋天子居總章左个
總章左个大
仲秋天子

居總章大廟
總章大廟西
季秋天子居總章右个
總章

西堂
孟冬天子居玄堂左个
玄堂左个北
仲冬天子居

玄堂大廟
玄堂大廟北
季冬天子居玄堂右个
玄堂右

東偏
太史頒告朔于邦國
天子頒朔于諸侯
諸侯

告而受行之
鄭司農云
頒讀為班
班布也以十二月
閏

月詔王居門終月
門謂路寢門也
鄭司農云
月令十二

位惟閏月無所居
居于門故
諸侯皮弁以聽朔于大

于文王在門謂之門
春官
禮書綱目
三十六

廟皮弁下天子
也玉藻

右聽朔 文公六年閏月不告月猶朝於廟杜曰諸侯

每月必告朔聽政因朝宗廟文公以閏非常月故
闕不告朔怠慢政事雖朝于廟則如勿朝故曰猶

猶者可止之詞何曰諸侯受十二月朔政于天
子藏于大祖廟每月朔朝廟使大夫南面奉天子

命君北面而受之此時使有司先告朔慎之至也
受于廟者孝子歸美先君不敢自專也言朝者緣

生以事死親在朝朝暮夕已死不敢滯鬼神閏月
故也必於朔者感月始生而朝也春秋

不告朔非禮也經稱告月傳稱告閏以正時四時
朔明告月必以朔閏以正時漸差

則置閏時以作事順時事以厚生則年豐生民
以正之

之道於是乎在矣不告閏朔弃時政也何以為民

左氏傳

曷為不告朔

据具月也

天無是月也何以謂之

天無是月非常月也

所在無常故無政也

猶者何通可以已

也

朝者因視朔政爾無政而朝故曰猶不言朔者閏月無告朔禮也不言公者內事可知

公羊

傳

不告月者不告朔也

禮天子以十二月朔政班告于諸侯諸侯受於

禰廟孝子尊事先君不敢自專也言朝者緣生以事死親存朝朝暮夕不敢泄鬼神故事畢感月始

而朝

不告朔則何為不言朔也閏月者附月之餘

日也積分而成於月者也

一歲三百六十日餘六日又有小月六積五歲

得六十日而再閏積衆月之餘分以成此月

天子不以告朔而喪事不

數也

閏是叢殘之數非月之正故吉凶大事皆不用也

猶之為言可以已

也

郊然後三望告朔然後朝廟俱言猶義相類也既廢其大而行其細故譏之

穀梁傳

文公十六年夏五月公四不視朔

諸侯每月必告朔聽政因朝于

廟今公以疾闕不得視二月三月四月五月朔也春秋十二公以疾不視朔非一也義無所取故特

舉此以表行事因明公之實有疾非詐齊春秋

疾也

左氏傳

公曷為四

不視朔

據無事也

公有疾也

以不諱舉公知有疾公何有疾乃復舉公是也

何

言乎公有疾不視朔

據有疾無惡也

自是公無疾不視朔

也有疾無惡不當書又不言有疾然則曷為不言者欲起公自是無疾不視朔也

公無疾不視朔有疾猶可言也無疾不可言也言無

疾大惡不可言也是後公不復視朔政事委任公子遂公羊傳天子告朔于

諸侯諸侯受乎禰廟禮也每月天子以朔政班于諸侯諸侯受而納之禰

廟告廟以羊今公自二月不視朔至於五月是後視朔之禮遂廢故子貢欲去其羊公四不

視朔公不臣也以公為厭政已甚矣天子班朔而公不視是不

臣穀襄公二十九年春王正月公在楚釋不

朝正于廟也釋解也告朔在楚解公所子貢欲

去告朔之犧羊

告朔之禮古者天子常以季冬頒來歲十二月之朔于諸侯諸侯受

而藏之祖廟月朔則以時羊告廟請而行之犧生牲也魯自文公始不視朔而有司猶供此羊故子

貢欲去也子曰賜也爾愛其羊我愛其禮愛猶惜也子貢蓋惜其無

實而妄費然禮雖廢羊存猶得以識之而可復焉若并去其羊則此禮遂亡矣孔子所以惜之

氏曰告朔諸侯所以稟命於君親禮之大者魯不視朔矣然羊存則告朔之名未泯而其實自可舉

此夫子所以惜之也論語

舍人以歲時縣種秬之種以供王后之春獻禮縣之者欲其風

氣燥達也鄭司農云春王當耕于籍則后獻其種也后獻其種見內宰職地官內宰上春

詔王后帥六宮之人而生種稂之種而獻之于王

六宮之人

夫人以下分居后之六宮者古者使后宮藏種以其有傳類蕃華之祥必生而獻之示能育之使不傷敗且以佐王耕事共禘郊也鄭司農云先種後孰謂之種後種先孰謂之稂王當以耕種于藉田玄謂詩云黍稷種稂是也夫人以下分居后之六宮者每宮九嬪一人世婦三人女御九人其餘九嬪三人世婦九人女御二十七人從后唯其所燕息焉從后者五日而沐浴其次又上十五日而徧云夫人如三公從容論婦禮天官

孟春乃擇元辰天子親載耒耜措之于參保介之御間

帥三公九卿諸侯大夫躬耕帝藉天子三推三公五推

卿諸侯九推

元辰蓋郊後吉辰也耒耜之上曲也保介車右也置耒於車右與御者之間明已勸

農非農者也人君之車必使勇士衣甲居右而參乘備非常也保猶衣也介甲也帝藉為天神借民力所治之

也田反執爵于大寢三公九卿諸侯大夫皆御命曰勞酒

既耕而宴欲以勞羣臣也大寢路寢御侍也月令

甸師掌帥其屬而耕耨王

藉以時入之以其盥盛

其屬府史胥徒也耨芸芋也王以孟春躬耕帝藉天子三推三

公五推卿諸侯九推庶人終於千畝庶人謂徒三百人藉之言借也王一耕之而使庶人芸芋終之盥盛祭祀所用穀也菜稷也穀者稷為長是以名云在器曰盛天官

季秋乃命冢宰農事

備收

備猶盡也

舉五穀之要

定其祖稅之薄

藏帝藉之收於神倉祗

敬必飭

重黍稷之委也帝藉所耕千畝也藏祭祀之穀為神倉祗亦敬也月令

天子親

耕以共粢盛

天子親耕其禮三推黍稷曰粢在器曰盛

甸粟而內之三宮三

宮米而藏之御廩

甸甸師掌田之官也三宮三夫人也宗廟之禮君親割夫人親春

桓十

四年穀

梁傳

天子為藉千畝冕而朱紘躬秉耒諸侯為藉

百畝冕而青紘躬秉耒以事天地山川社稷先古以為

醴酪齊盛於是乎取之

藉藉田先古先祖祭義

天子親耕於南

郊以共齊盛諸侯耕於東郊亦以共齊盛

齊或作粢東郊少陽諸侯

象祭統

右耕藉

耕藉然後諸侯知所以敬

耕藉藉田也樂記

耕藉所以教諸侯之養也

祭義

王者所以親耕后

親桑何所以率天下農蠶也耕於東郊何東方少

陽農事始起桑於西郊西方少陰女功所成故曾

子問曰天子耕東田而三反之

白虎通

天子諸侯

非莫耕也王后夫人非莫蠶也身致其誠信誠信

之謂盡盡之謂敬敬盡然後可以事神明此祭之

道也

祭統

宣王即位不藉千畝

藉借也借民力以爲之天子藉田千

畝諸侯百畝自厲王之流藉田禮廢宣王即位不復遵古

虢文公諫曰

賈侍中云文公

文王母弟號仲之後為王卿士昭謂
號叔之後西號也宣王都鎬在畿內不可夫民之

大事在農穀民之命故上帝之粢盛於是乎出出於

農也器實曰盛民之蕃庶於是乎生蕃息也事之共

給於是乎在共具也和協輯睦於是乎興協合也

睦親財用蕃殖於是乎始殖長也敦龐純固於是乎

成敦厚也是故稷為大官民之大事在農故古者

大史順時覲土覲視也陽瘳憤盈土氣震發瘳厚也

盈滿也震動也農祥晨正農祥房星也晨正謂立春

候故曰
農祥

日月底於天廟

底至也天廟營室也孟春之月日月皆在營室

土

乃脈登

脈理也農書曰春土冒
嫩陳根可拔耕者急發

先時九日

先先立春日也

太史告稷曰自今至於初吉

初吉二月朔日也詩云二月初吉

陽

氣俱蒸土膏其動

蒸升也土膏潤也其動潤澤欲行

弗震弗渝脈

其滿膏穀乃不殖

震動也渝變也膏災也言陽氣俱升土膏欲動當即發動變爲

其氣不然則脈滿氣結
更爲災病穀乃不殖

稷以告

以大史之言告王

王曰史

帥陽官以命我司事

史大史陽官春官司事主農事官也

曰距今九

日土其俱動

距去也

王其祗被監農不易

祗敬也被齊戒被除

也。不易。不易。王乃使司徒咸戒公卿百吏庶民百

物土之宜。百官也。庶民甸師氏所掌。司空除壇于藉地也。掌

之民主耕耨王之藉田者。命農大夫咸戒農用農大夫田畯也。先時五日耕先

時也。警告有協風至。警樂大師知風聲者協和也。風

王即齋宮。所齋之宮。百官御事各即其齋三日。御治王

乃淳濯饗醴。淳沃也。濯溉也。饗飲也。及期。期耕

薦鬯。鬱鬱金香草宜以和鬯酒也。周禮鬱人掌裸

之齋。犧人薦醴。犧人司尊也。王裸鬯饗醴乃行。裸

也灌鬯飲醴皆所以自香絜

百吏庶民畢從及藉后稷監之

察監

也膳夫農正陳藉禮

膳夫上士也掌王之飲食膳羞之饋食農正田大夫主歛

陳藉禮而祭其神為農祈也

太史贊王

贊道也

王敬從之王耕一

璫

一璫一耜之璫也王無耦以一耜耕班三之

班次也三之下各三其上也王一璫公三

卿九大夫

庶人終于千畝

終盡耕也

其后稷省功大史

監之司徒省民大師監之畢宰夫陳饗膳宰監之

宰夫下大夫也膳宰膳夫也

膳夫贊王王歆大牢

歆饗也

班嘗之

公卿大夫也

庶人終食

終畢也

是日也瞽帥音官以省風

土

音官樂官也風土以音律省土風風氣和則土氣養

廩于藉東南鍾而藏

之

廩御廩一名神倉東南生長之處鍾聚也謂為廩以藏王所藉田以奉蠶盛

而時布

之于農

布賦也

稷則徧戒百姓紀農協功

紀猶綜理也協同也

曰陰陽分布震雷出滯

陰陽分日夜同也滯蟄蟲也明堂月令曰日夜分雷乃發聲始

電蟄蟲減動啟戶始出

土不備壅辟在司寇

壅發也辟舉也

其舉

乃命其旅曰徇

旅衆也徇行也

農師一之

一之先之也農師上

士農正再之

農正后稷之佐田畯也故次農師

后稷三之

后稷農官之長

故次

司空四之

司空主道路溝洫故次后稷

司徒五之

司徒省民故次

司空

大保六之大師七之

王論道祀監衆官不特

掌事故次司徒

大史八之

太史掌逆官府之治故次大師

宗伯九之

宗伯卿官

掌相王之大禮若王不與祭則攝位故次太史

王則大猷

大猷率公卿大夫親行農也

耨穫亦如之

如之如耕時也

民用莫不震動恪恭于農

謂用

田器也

修其疆畔日服其鎛不解于時

疆境也畔界也鎛鋤屬

財用不乏民用和同是時也王事唯農是務無有

求利於其官以干農功

求利謂變易役使干亂農功

三時務農

而一時講武

三時春夏秋一時冬也講習也

故征則有威守則有

財若是乃能媚於神

媚說也

而和於民矣則享祀時

至而布施優裕也

優饒也裕緩也

今天子欲修先王之緒

而棄其大功匱神之祀而困民之財

匱神之祀不耕藉也困民

之財取財用也

將何以求福用民王弗聽三十九年戰于

千畝王師敗績于姜氏之戎

言宣王不納諫務農無以事神使民以致

弱敗之咎國語周語

仲山甫曰王治農于藉

藉藉於千畝田也

耨穫亦於藉

言王亦至於耨考課之

是皆習民數者也

習簡也

上

同

禮書綱目卷六十一